


UKUPÒKA IFIPÀTA FYA NDÙGU

 Ulubunju ulu, aligwesa. Kangi nsangalwike ukugomokela kangi ulubunju ulu ku nyumba iyi, ukwiputila ababine umwisyugu. Ukwene ko, utubalilo twingi, uswe tukugela ukwingila nkati, kingi kingi, nu—nu kwiputula abāndu aba bikwīsa muno ukufuma ku mabuyo amakindāne, ku lwīputo.

Kangi lilino uswe twisakusōka ngapo lululu nakalinga, lilino, panongwa ya ngomano sya California na Kiboko Kyakubwīngililo. Kangi uswe nalōli tukufwīma inyīpúto syīnu, ukuti Kyāla gwa Kumwanya isakuyaga gwakisa kwa uswe kula nukutupa uswe imbōmbélo ingulumba.

Mfikile itolo muno, mmayolo, pamo, nkilo, ndigi, bo kwīlile. Kangi mmayolo bwāli bo bumo mwa i . . . Mulimōsa, pakiyolo, kangi mmayolo, lyāli limo mwa masiku amakulumba agabakalata-abakesefu aga būmi bwāngu. Pala, une mmenye pabunini abāndu babili, pamo batatu, nkiyūmba aba bāli bakēti ba kwīsa kwa Ntwa, mmayolo. Kangi ikikulumba, ikindu ikiswīgīsyē kyābonīke, iki une ngaya nako akabalilo ulubunju ulu ukubabūla umwe. Lōli lumo pa Ndungu ugu gukwīsa, bo uswe tukāli ukusōka, lumo une mbagile ukuya na kabalilo, mu Ndumi, uku—uku babūla umwe. Linga u Ntwa ikwīgana, une ngwisakuyaga pāsi, pabunini ukwīputila ababine, pa Ndungu kulubūnju. Uswe lumo tukulōnda ukusōka kifuki lyapāntu, linga fyakubōmbígwa, ku lukomano lwa ku San Jose mu San Jose, California. Kangi linga ugwe alinabo abandu balibōsa ukusyungutila, pa Kiloboko kya Bwingil'ilusuba kula, aba bo, uswe tukusūbila, yikuyaga lumo sala iyi une ndondesīsyē, akabalilo katali, ulwāndulo mu butumigwe bwāngu bukwīsa. Kangi ikylene kyo kifuki fiyo, une ninogonaga ukuti ikylene kikubonekaga mmayolo. Kangi une ngwītika ukuti ikyēne yikuyaga lululu ulu lilino, kangi ikyēne kikuyaga kubutali ukukīnda kalikōsa aka uswe tuketilemo siku pamo ukupilika, mpaka lino. Lilino, umwe kumbukilaga, ikyo kyo ISI SYO IKUTI U NTWA. Muketile? Kangi popāpo uswe tuli itolo nkugūlila ikyēne, akabalilo kalikōsa.

Kangi uswe tukuyaga nu lukomano lilino ku migūnda iminunu. Une ngusūbila ikyo kyo kotalusya, bule ikyēnr, Gene? Ku migunda iminunu ku San Jose, California. Kangi ikyēne kikuyaga lukomano lwa masiku—kalongo, ukwānda lya 20, ukukīndilila ilya 29, ku—ku San Jose. Lilino, itolo kumbukilāga uswe kangi iputilāga uswe.

Lilino uswe tulinasyo kifuki, linga uswe tukusōka nkabalīlo, kifuki isala yimo na sinda lilino, ukuti uswe tukuya pakwanda imbombelo syītu isya kwīputila ababine nukutwāla i Lisyu. Une

nsalile, ulubunju ulu, akabale akanini aka Lisimbo, ubuyo bubili mu i Bångéli, ukuyobapo.

Loli bo uswe tukáli ukuyoba, unko uswe twinamisye imitu gyitu itolo pakabalilo ku lwípúto.

² Gwalipyána nkínde Kyála, uswe nulwíyisyo tukusegeléla ikikota Kyáko ikya ipyána ulubunju ulu, ukuya bána basitakufwána, lóli ukwisa nu lwítiko ulusita kubwápulígwa mwa Kyála, ulu lwápegígwe kwa uswe nu Mbepo Mwikémo, kangi Buyépo Bwáke bwíla na uswe, kangi ukwisila mu lufingo nu Ntwa Yeso, ukuti linga uswe tubagile ukwisa nulwíyisyo kangu tubagile ukusúma kalikósa mu Ngamu Yáke, uswe twisakupígwe ubusúme bwítu. Kokuti, uswe tutikukétéla kunyuma pa babagile bwítu mma, panongwa yakuti uswe tukaya nabo bulibósa bo ubo, lóli uswe tukukétéla kunyuma ku bubagile bwa Kalvari, kúko ilipyána lítu lyápégígwe kwa uswe mwaitolo nu Mwanundumiana gwa Kyála. Kangi uswe tubagile kifuki ukulakilwa kunyuma amasosi aga gábagile ukwéndeléla pási imimilo gyítu, akabalilo káko uswe tukwínogóna isya uswe, abánda abasitakufwána, kangi múmo fikuti ukwisila mu lipyána Lyáke kula ku Kalvari Umwéne ábómbíle ikyo kuli uswe, ukuti uswe tubagile ukutwáligwa kifuki fiyo kwa Kyála, kope ku bukamu. Kangi lilino uswe twe banabalumiana kangi banabalindwana ba Umwene.

³ Kangi uswe tukwisa ulubunju ulu, Ntwa, pási pa buyeleke ubunini ubu, ukwipágúla twíbéne, kangi ku bubómbélo, ukuláta imbíbi syítu, kangi—kangi mu bwípute Bwabunyakyála. Uswe tukusúbila ukuti Ugwe kwisakuyaga na uswe nukutupapo uswe ubuketelo bwamwambepo ubwa kwisa Kwáko ukwakifuki, ukuti uswe tubagile ukuténdekésya indumbula syítu kuli iyakuboneka ikikulumba kila iki kyo kilóndígwe ku maelifu ga fyínja. Nubwanaloli ikipeligwa kyósa kikukoloma, ukukúta ukuya kyábúke. Kangi imbepo syítu nkati mmyítu, Ntwa, sikwiláta kingikingi, ukuti, “Uswe twe bendanjila kangi bahesya, kangi aka kakaya káya kítu mma, lóli uswe tukulondalónda a Káya Káko u Njéngi nu Nténdeki yo Kyála.” Uswe tukulóndésya akabalilo akakulumba aka kakwisa.

⁴ Ntwa, uswe twábagile ukuya bakwinogonela ukuti ingomano isi, akabalilo káko uswe tukubúngána apa, uswe tukwíputila abána Báko aba babine kangi bábutolwe. Kangi uswe tukusúma ukuti Ugwe kwisakwágana na uswe umwísyúgu mu njila yapayéne fiyo, ukubumbulusyo ububine bósa ni mbungo pakati pa uswe. Kangi ikyéne kibagile ukuya, Ntwa, ukuti ulufíngo ulu lúlo une náyobelaga ngapo pabutasi, mu lukomano na Ugwe kula mmayólo, palapala ukuma pa bwélu bwalisiku, kangi múmo fikuti Ugwe gwasisisimikisye ikyéne nukwándisya nukwándísya kangi. Kangi uswe tukwípilika ukuti isala yili kifuki fiyo. Kangi ili liliyaga lisiku, Ntwa, ili ikyéne kisakuboneka, ukuti Ugwe kwisakwándula ubutumigwe, Ntwa,

ukubũka mu kindukimo iki kisakuyaga kya lipyānapo ukukĩnda ku bāndu Bāko.

⁵ Kangi lilino, Tāta Kyāla, uswe tubagile komma kwene ukwiputula aba apa, loli ku bala babalanile panja ukukilania ikisu, aba bo bafumbwe, mosa mwambepo kangi mumbili. Bapapo abene, O Ntwa, ifinyonywo fya ndumbula syabo, panongwa yakuti abana Bako bikutamigwa amasiku aga. Ulutamio lwa ndugu lwa maka fiyo, loli Ugwe uli namakako. Namanga ukwene kusimbigwe, “Nkulumbapo yo Umwene uyu ali mwe umwe ukukinda umwene uyu ali nkisu.” Ukwisila muli iki uswe tukuponjola. Yoba kwa uswe ukwisila mu Lisyu Lyako ilisimbigwe. Kangi akabalilo kako uswe tukusoka ulubunju ulu, tuliyoba uswe bo bala babukaga ukufuma ku Emmausi, “Ngimba indumbula syitu sikali pamoto nkati mmyitu bo Umwene ikuyoba kwa uswe mu njila mula?” Uswe tukusuma ikylene mu Ngamu ya Yeso, Yuyo apele ulufingo. Amen.

⁶ Une ngubala lilino ukufuma mbuyo bubili mwa Buku gwa Bwandilo. Limo mwa gene likwagigwa mu ntu gwa 24, ukwandila pa linandi lya 56, likubala bo ulu.

Kangi umwene alinkuyoba ku bene, Mungangolelaga kunyuma mma, mukuketa ukuti u NTWA abōmbile asayile injila yangu; nduma une mbukege ukuti une mbagile ukubuka kwa fundi gwangu.

Kangi abene balinkuyoba, Uswe twisakumbilikila undindwana, nukundalusya umwene ayobe na pakanwa pake.

Kangi abene balinkumbilikila Rebeka, nukuyoba ku mwene, Ngimba ugwe kubukaga nu nnyambala uyu? Kangi umwene alinkuyoba, Une ngwisakubuka.

Kangi abene balinkutuma Rebeka ukusokapo nu gwake ndum-... ilumbu gwabo, nu ntuli gwake, na gwambombo gwa Abraham,...

Kangi abene balinkunsaya Rabeka, kangi balinkuyoba kwa umwene, Ugwe gwe ilumbu gwitu, Yaga ugwe mama gwa baelifu ga maelifu-elifu, kangi unko u luyungu lwako lupoke ikipata kya bala babo bikubenga abene.

⁷ Kangi mwa Bwandilo 22, ilinandi lya 15, uswe tukubala.

Kangi u gwandumi gwa NTWA alinkumbilikila kwa Abraham ukufuma ku mwanya akabubili,

Kangi alinkuti, Ukwisila pa nimwene une ndapile, ikuyoba u NTWA, kabuno panongwa yakuti ugwe ubombile ikindu iki, ugwe ukabani-... ukabanilila umwanundumiana gwako, umwanundumiana gwako mwene:

Ukuti mu lusayo une nisakukusaya ugwe, kangu mu kubala une nisakubalania u luyungu lwako ukuya ndondwa sya . . . kumwanya, kangu ukuya nsanga . . . pamwanya pa kiloboko kya sumbi; kangu u luyungu lwako lwisakupoka ikipata kya gwake u ndugu;

Kangu mu luyungu lwako fisakusayigwaga ifisu fyosa ifya nkisu; panongwa yakuti ugwe ubombile upilikile ilisyu lyangu.

⁸ Lilino u Ntwa ali ongelelaga isaya Syake ku bubale bwa Masyu Gake. Lilino une ngulonda ukwega, linga ikylene kibagile ukukolelwa busimbe, untu gwangu ulubunju ulu, ikyakwanda, go, “Ukugela pankyeni pa fipata ififingigwe.” Kangu untu go: *Ukupoka Ifipata Fya Ndugu.*

⁹ Kyala agelaga u tata uyu, panongwa yakuti Umwene alimpele ulufingo. Kangu akabalilo kako Kyala ikutendeka ulufingo, Umwene ikulonda ukuya nsisimikisiyi ukuti umundu yula afikilepo pa lufingo lula, bo akali Umwene ukufwanikisiya iki Umwene ayobile pamo iki Umwene ikufinga. Popapo Abraham afingigwe ukuti ukwisila mu luyungu lwake ikisu kyosa kisakusayigwa, ukuti umwene isakuyaga nu mwanundumiana. Kangu, u mwanundumiana uyu, ukufuma mwa umwene mubagile ukusoka panja u Luyungu ulu lwisakusaya ikisu kyosa. Kangu Abraham, akabalilo kako ulufingo lwapegigwe ku mwene, ali finyinja malongo-mahano-na-mabili-na-fihano mbukusi; kangu Sarah, unkasi gwake, ali finyinja malongo-mahano-na-limo-na-fihano mbukusi. Loli i Bangeli likutubula uswe ukuti Abraham akapepelwikemo ku lufingo lwa Kyala, ukwisila mbusitakwitika, loli ali gwamaka, ikupa ulutufyo kwa Kyala. Kangu Kyala, akabalilo ukufuma pa kabalilo, alinkungela umwene, loli umwene alisile ku lugeleo ulwabumalikisiyo lula bo ulusayo lwakali ukuboneka.

¹⁰ Kangu iyo yo njila ikylene kili nu Luyungu losa lwa Abraham. Kyala ikutupapo uswe ulugelo ulwabumalikisiyo lula itolo bo Umwene akali ukupa ulufingo. Kangu linga ikylene kyakubombigwa, une ngulonda ukuyoba ikindukimo apa, panimwene, loli une ngukibanililaga ikyo. Ulugelo ulwabumalikisiyo lula, ukuketa mumo ugwe kwamulilaga pa kyene. Kangu akabalilo kako Umwene alimpele Abraham ulugelo ulu, Umwene alimmwagile Abraham itolo gwabwanaloli mumo umwene ayilile akabalilo kako umwene andege. Lo lusayo luki ikylene kikuyaga ulubunju ulu linga uswe twe tukwega ulufingo Lwake lwa bubumbulusyo twabagile ukwima itolo ukuya babwanaloli mumo uswe twabombile akabalilo kako uswe twalimile apa nukukyitikisiya ikylene. Kali unganga ayobile fiki, ima itolo ukuya gwabwanaloli.

¹¹ Kangu abalilo kaku umwene abombile iki, kangu akabanilile mwanundumiana gwake mwene, loli ali kifuki

ukuyubika ummage gwāke nkipāmbaga kya Isaki, ukōnanga ubukēti bwāke. Umwēne ātalīle abīkile ubukēti, mōsa nkisu ikimanyigwe iki umwēne ālisibilene nakyo, ukuti umwēne ayaga pakuya nu mwanundumiana uyu. Kangi polelo akabalilo kako u mwanundumiana ālisīle, umwene ālalusigwe ukugomokesya kunyuma, kangi ukōnanga ulusūbilo lwēne ulu umwēne āli nalo ukuti u bukēti bwāke bufwanikisigwege. Kangi akabalilo kāko Kyāla alimbwene ukuti umwēne āli nsubiligwa ku lwītiko lula ulu umwēne ali nalo mwa Kyāla, Kyāla alinkukēta ukufuma ku myanya kangi Umwēne alinkuti, “Une ndapile ukwisila mwa Nimwēne ukuti une nisakukusaya ugwe nukubalanisya ugwe, kangi uluyungu lwako lwisakupoka ikipata kya ndugu gwake.” Lo lufingo luki!

¹² Kangi Rebeka, uyu yo ayaga pakuya mama gwa unjindikigwa, umfingigwa, umwanundumiana unguliligwa, akabalilo kāko umwēne ābīkīgwe ku lugelo ulwabumalikisyo, ulwa nnyāmbāla unhesya uyu umwēne akalimbwēnēmo siku, pene kukuti umwene ākubwēne ukubomba kwa Mbepo Mwikemo. Kangi akabalilo kāko abapapi bāke balinkutoligwa ukwinogona lōsa kali umwēne abūkēge nu nhesya uyu pamo mma, ukuya nkasi gwa u nnyāmbala uyu umwēne akalimbwēnēmo siku, umwēne ātwāligwe ku lugelo lwa bumalikisyo. “Uswe twisakummwēga undindwāna nukundeka umwēne ayobe. Uswe twisakumpilika umwēne ukufuma kukanwa kāke kali umwēne isakubūkāga, ena pamo umma.”

¹³ Iyo yo njila ikyēne kikutwāligwa ku lōsa u Luyungu lwa Kyāla. Ugwene gubagile ukuya ndomo gwāko. Kyāla ikulōnda ukupilika ukufuma kwa ugwe.

¹⁴ Popāpo akabalilo kāko umwēne ābīkīgwe ku lugelo, umwēne akīlamwilēmo i miniti siku. Umwēne alinkuti, “Une ngubūkāga.” Une nkiganile ikyo. Komma, “Unko une ninogone tāsi. Unko une mfunde ikyēne mōsa.” Umwēne āli lōsa ahahīgwe. Abo bo bāndu aba Kyāla abagile ukubōmbēla, akabalilo kāko ugwe uli lōsa uhahīgwe ukuti Kyāla isakukyūnga ulufingo Lwāke. Alinkuti, “Une nisakubūka.”

¹⁵ Kangi abāndu bāke polelo, bapakīgwe fiyo, lumu bakāmēnye ikyēne, lōli abēne balinkusolola bo abēne bikwāla amaboko gābo pa ilumbu gwābo, kangi umwānundindwāna gwābo; uyu ummogi, unkeke undindwāna gwa kiJuda, bo abēne bikumbika umwēne pa ngamila nukuntuma umwēne ku kisu ikihēsya, pakati pa bāndu abahēsya. Lōli kyālipo i Kindukimo pa bēne. Abēne balinkuti, “Unko u luyungu lwako lupoke ikipata kya ndugu gwābo. Yaga ugwe yuba gwa maelifu ga maelifu-elifu.”

¹⁶ Kangi, umwīsyūgu, u luko lula ulwa bāndu na bāndu aba Kyāla bībalēnie ukufuma ku nyānja ukubūka ku nyānja, ukusyūngutīla ikīsu. Mu busyūke bula abēne bisakuyaga bo ndōndwa sya ku Mwānya, bo sila imuli inyēlu sikwēga ubuyo

bwābo, bo isyēne sikukīnda mmwanya. Kangi akabalilo kāko abēne bikwīsa, abēne bisakuya bo nyānja kifuki i . . . pamo misānga kifuki kiloboko kyanyānja. Bisakuyapo maelifu ba maelifu-elifu ga bene.

¹⁷ “Uluungu lwāko lwisakupoka ikipata kya ndugu.” Ulo lo lwāli lufīngo lwa Kyāla ululapīgwe, “U luungu lwa Abraham.”

Polelo, mwa Mbepo Mwikémo, ukukéta ukuti u māma āyaga pakuya kiyabo kya mwanundumiana, yōpe, panongwa yakuti abēne bo kiyapo kya mbili. Polelo, u Mbepo Mwikémo bo ikubombela ukwīsula mu bāndu aba, āyobile, “Umwēne . . . Unko u luungu lwāko lupoke ikipata kya ndugu.” Polelo, Kyāla ikulapa Umwēne ābagile ukupoka ikipata kya ndugu, polelo ngimba bo buyo buki kila kikubīkapo i Kipānga kya Kyāla gwābūmi?

¹⁸ Uswe yoswe Luyungu lwa Abraham. Namanga, uswe, pakuya bafwe mwa Kristi, uswe tuli, ega pa Luyūngu lwa Abraham kangi tuli bākilingo nu mwēne, pāsi pa lufīngo ululapīgwe lulalula. Uswe yoswe Luyungu lwa Abraham, kangi yoswe bingilakilingo kya lufīngo lulilōsa ulu lwāpīgwe nu mwene. Lōli akabalilo kāko ingelo sikwīsa, apo po uswe tukutoligwa. Lōli une ndikwītika mma ukuti u Luyūngu ulwabwanaloli lwa Abraham lwisakutoligwa. Abēne bisakwīma itolo ukuya bakifu kangi basubiligwa bo mūmo Abraham ābōmbīle.

¹⁹ Lilino uswe tukuketa ukuti Kyāla akabagila ukuyoba akandukamo pamo—pamo ukutēndéka ulufīngo lulilōsa penepapo Umwēne ikufwanisyaga ulwēne. Umwēne ikufimbilisigwa ukubomba ikyo ukuti ayege Kyāla. Ifyīnja kunkyēne, akabalilo kāko abāndu bababa, abāndu abafīngigwe, u luuyūngu lwa Abraham bāli pa bwēndo bwābo, bikubūka nkati mu—mu kīsu ikifīngīgwe, kyālipo ikipata yūyo ālimīle, kangi mmwanya ukulwāna nu mwēne, kangi ikyēne kyāli nkundwe gwāke mwēne, Moabu, uyu āyōbīle, “Ugwe utisakukilania ikīsu kyāngu. Une ngwisakukéta ku kyēne ukuti ugwe utisakukilania i kīsu kyāngu.”

²⁰ Umwēne alinkuti, “Linga ing’ombe syītu sikumyānda lililyōsa lya līsu lyāko pamo linga isyēne sikunwa galigōsa amīsi gāko, uswe twisakuhōmba panongwa ya kyēne.”

Lōli umwēne alinkuti, “Ugwe utisakukilania ikīsu iki.”

²¹ Lōli ulufīngo lwa Kyāla lulinkwīkoléla mu mbwanalōli. Popāpo abēne balinkubūka nukwakummwēga unsololi gwābo, Balaamu, nukuntwāla umwēne ukusuluka ukugūna abāndu. Kangi iki kyo iki umwēne āyobile. Abēne bāgelile ukunnāngisya umwēne ikiyābo ikibibi ukukīnda ikya luuyūngu ulusayīgwe, lōli Kyāla alinkunnāngisya umwēne ikiyabo ikinunu ukukīnda ikya ulwēne. Umwēne alinkuti, “Aligwēsa uyu ikuguna Israeli isakugunīgwa, kangi aligwēsa ikusaya umwēne isakusayīgwa.”

Kangi ifipĩngo filinkusulusigwa kangi Israeli alinkukilania ingubo. Kyála ãfingile umwēne isakupoka ikipata kya ndugu gwāke.

²² Kunkyeni, mfyinja, palinkwisa yumo ni ngamu ya Danieli, uyu ali mu lukindi lwa Luyungu Lwabunyafyale ulu, kangi mu lukindi lwa fingo, panongwa yakuti umwene ali Luyungu lwa Abraham. Kangi Kyála alinsalile umwene bo lukali ulwalo lwa kisu, ukuya nsololi Gwake, kangi umwene alitugele nubukifu kangi umwene alitugele nulusubilo. Kangi mope mu kisu ikihesya, umwene alinogonile mu ndumbula yake, “Une ndisakwifitisa nimwene na bene.” Ulo lo Luyungu lwa Abrahamu ulwanaloli; ukwitugala nkisu iki kikindene, ukwitugala mbandu aba bakindene, loli pope nkifu ku lufingo lula. “Une ndinkwifitisyaga nimwene na bene. Une nisakusyalaga gwabwanaloli.”

²³ Kyála alinkumbika umwēne pa lugelo bo Umwene ābombile ku gwīse, Abraham. Kangi u mwalafyale alinkuti, “Ugwe pamo kuyaga yumo mwa uswe nu kwiouta mu njila uswe tukwiputa, kisita apo une ngukusopelaga ugwe mu mbako iyi yiswile ni ngalamu isyanjala.”

²⁴ Danieli, ngati Abrahamo ugwise, alinkuti, “Ugwe ubagile ukunsopela une mu mbako ya ngalamu loli une ndisakufugama ku kilikyosa kya fifwani fyake. Une ndisakwega mma ubwiputi bwako ubwasikali. Une nisakwitugala gwabwanaloli kwa Yehova.”

²⁵ Kangi pala palinkwisa ukubonekela pabwelu polelo. U mwalafyale akyungile ulufingo lwake kangi alinkumpimba unsololi yula, pamo alimpimbisigwe umwene nukusopigwa mu mbako ya ngalamu. Kangi akabalilo kako ingalamu sila, undugu gwa Danieli, silinkubopela kula ku nsololi, Kyála akyungile ulufingo Lwake. Umwene alinkupoka ikipata kya ndugu. Kyála alinkwima boy u Gwandumi pala pankyeni pa ngalamu sila, nukwega ikipata. Kyála ikwima nu lufingo Lwāke. “Umwēne isakupoka ikipata kya ndugu.” Kyála āyobile lulo.

²⁶ Polelo balipo batatu abakongelelapo pasi pala aba bafingile bene ukuya basubiligwa ku nongwa yila, aba bali naloliloli Luyungu lwa Abraham, kangi abo bāli Shadraki na Meshaki na Abedinego, kangi abēne bābikigwe ku lugelo. Kangi abēne balinkuyoba, “Linga umwe mutikufugama akabalilo kāko umwe mukupilika isambo sikukuba kangi ingangabwite sikukūta, linga umwe mutikwīnama ku bwīpūti bwītu, kangi nukusōkāko ku findu fila umwe muku—mukwimililila! Kangi umwe mwēsa muli batime, mulimōsa. Ubwīpūti bwīnu bukaya bwākukīnda bwa aligwesa mma.” Ngimba uswe tutikupilika ikyo akabalilo kōsa? Lōli u—u bwīputi bwa Yeso Kristi bukīndēne. Amaka ga busyūke Bwāke makīndāne. Uswe tuli bāndu bakīndāne,

abāndu abaswīgīsyē, ubupūti ubwabunyafyāle. Kyāla ikupela ubukīndāne.

²⁷ Lōli akabalilo kāko abēne bāyobile, “Umwe mukufimbilisigwa ukuya yumo mwa uswe.” Ikyēne kyābagile ukuya mōsa kinunu na Shadiraki na Meshaki na Abednego linga abēne bālōndāga ukuya yumo mwe bēne, lōli nasiku abēne ukuya yumo mwa bahēsya. Lilino, abēne balinkuyoba, “Linga umwe mutibōmba ikyēne, uswe tuli ni kifigo apa ku ng’ango, iyi uswe tukwīgula lōsa nukubasopelāmo umwe nkati mu yēne, kangi umwe angali mukulōnda ukuya yumo mwa uswe.”

²⁸ Abēne balinkukūmbukīla ulufīngo. Abēne balinkubakūyisya abēne kulakula ukusuluka ku ng’ango ya moto. Akangi akabalilo kāko abēne bāligwīle ikifigo nukubasopa abēne mu ndapi sila, undugu gwābo uyu ābagile ukubalya abēne, abēne bapokile ifipata fya ndugu gwābo. Kyāla alinkutuma u Mwānundumiāna Gwāke mu ndapi sya moto sila nukutalalisya utupepo, nukuyoba kwa bēne akabalilo kōsa abēne bāli nkati mula. U lufīngo lwa Kyāla lulinkwikolele nubwānalōli. Abēne bāpokile ikipata kya ndugu. Ukugelīgwa tasi, polelo abēne balinkupoka ikipata kya ndugu.

Ngimba ikyēne akāli Yeso Uyu ātēndīke ulufīngo? “Linga ugwe kutwālāmo siku ubusobi kwa yumo mwa aba abanini aba, ikyēne kili kanunupo ibwe lyakusyēla lyāpinyigwe mmakosi gako kangi ugwe gwamilwigwe mbusolofu bwa nyānja. Komma nukutwāla ubusobi ku aba abanini aba bābo bikwītika mwa Une. Kangi ifika ifi fisakukongaga abene aba bikwitika mwa Une.”

²⁹ Umwēne ātēndīke ubukīndāne. Umwēne ātēndīke ukunāngisya kwa aba nalōlilōli bikwītika kangi aba nalōlilōli bakālītike.

Pala, bwīla, fikuyapo ifilūndilo fitatu ifya bāndu, ifyo fyo: abasitakwītika, abīpēle-bītiki, kangi abītiki. Lōli Kyāla ali nayo injila iya kususimikisya uyu yo mwītiki. U mwītiki yula ikwīma nubukafu pa iki Kyāla ikuyoba ukuya Bwānalōli. Ena.

³⁰ Umwēne āli Eliya, um’Tishbi, akabalilo kāko ikyēne kyālisile ku bubonesyo, mpaka umwēne inogonāga umwēne āli yo mwēne ntiga nkīsu uyu ākali ikwitūgalila Kyāla. Kangi u mwalafyāle ayaga pakumbika umwēne pāsi pa lugelo. Kangi abēne balinkumfwīma umwēne. Kangi akanīni kala, akēhe akapakigwe-langi, ni ngamu ya Yesebeli, kalinkutilisya ubūmi bwāke. Kangi akabalilo kāko ikyēne kilinkwīsa ku bubonesyo, Eliya āpokile ifipata fya ndugu gwāke nukusanusya ikīsu kyōsa ukugomokela kwa Kyāla kāngi. Kyāla ikwīma nu lufīngo Lwāke.

³¹ Umwēne āli Mōse, yope ukufuma pakufuma mu lukindi lwa Luyungu lwabunyafyale, u Luyungu lwa Abraham, ukuti akabalilo kāko umwēne ātumīgwe pāsi mu Igupti, ukuponesya abāna ba Israeli; kangi Kyāla ālīmpēle umwēne ifimanyilo ni

fiswigo ukubõmba, nukutika ikĩsu, nukutwāla pānja ifyūla, ni fimbata, ni ngĩsi, ni fula ya mabwe, ni fula, nu moto, nukuti ābõmbile ifika fyõsa ifi. Lõli, akabalilo kāko umwēne abalõngwisye abēne pānja ni kiboko kya Yehova, palinkwisa akabalilo kāko umwēne ālyāgēne ni kipata pakati pa mwēne ni kĩsu ikifingigwe. Pala ālipo Sumbi Unkesefu, ikipingo ukukilania injila. Abēne bāsyūngutiligwe nkati na babwite ba Farao, ifyāmba, kangi ululāngalānga, na Sumbi Unkesefu. Lõli Mõse alinkwisa nkēni nukupoka ikipata kya ndugu, nukukilania u Sumbi Unkesefu, umfu umumu, bo mūmo umwēne endaga pa nsebwe ugwalufūmbi. “Umwene isakupoka ikipata kya ndugu.” Kyala āyobile mulamula, kangi ukwēne kumalike.

³² Kwāli itolo ifyīnja finini kunyēni akabalilo kālo ingelo sikwisa, kangi ikipānga kilinkuya itolo kisanyendigwe mōsa, pakuya kili kipepe fiyo kuli ikilūdilo kya Bāndu ukubõmba akabalilo ikindukimo itolo kitikubobeka ukubõmbigwa mu njila iyi ikyēne kibagilile ukuya. Kyāla ikupela ikyēne mu njila yila. Kyāla ikutwāla ubutulwe nkipānga, “U mwanundumiana aligwesa uyu ikwisa kwa Kyāla ikufimbilisigwa ukugeligwa, nukusisimikisigwa, nukugeligwa.” Umwēne ikwītikisya ububine ukukutika ugwe. Umwēne ikwītikisya imbungo ukwisa pa ugwe, ukukugela ugwe nukukusisimikisya ugwe, ukunāngisya ikĩsu ukuti ugwe gwe nalõlilõli Luyūngu lwa Abraham. Umwēne ikwītikisya ikyēne mbwigāne Bwāke Mwēne. Umwēne ikwītikisya ifyākubõngotola. Umwēne ikwītikisya abināko ukusāmbuka ukulwāna na ugwe. Umwēne ikwītikisya ifindu fyõsa ifi, nukummwābula u mōhēsi, ukukugela ugwe. Kangi umwēne isakubõmba fyõsa nukwēga ubūmi bwāko. Umwēne ābagile ukukusopa ugwe pakitala kya bukubilwe. Umwēne abagile ukusanusya abapalamani bāko ukulwāna na ugwe. Umwēne abagile ukusāmbusya ikipānga ukulwāna na ugwe. Umwēne abagile ukubõmba kalikõsa, kangi ubwēne bo bwigāne bwa Kyāla kuli umwēne ukubõmba ikyēne. Uswe tumanyisigwe ikyēne kyo kupalapo ukukīnda golidi, kwa uswe.

³³ Bule isya Abraham na Isaki, pa kyāmba, yūyo ulufingo lwāpēgigwe? Kangi nu busūbiligwa bwāke nukumanya kwāke, nu lwitiko lwāke mwa Yehova, ikyēne ko kwīsila mula, kangi mula mwēne, ukuti Kyāla alinkukētēla pāsi nukuyoba, “U Luyūngu lwāke lwisakupoka ifipata. Une ndapile pa Nīmwené ukuti Une nisakubõmba ifindu fyõsa ifi.” Kukayako nayumo unkulumbapo Umwēne ābagile ukulapilapo, lõli Umwēne ālapile mwa Yūmwēne.

Polelo, linga Umwēne ālimmwītikisya Abraham ukugeligwe ukubuka ku buyo ubwabumalikisyo bula, Umwēne ikufimbilisigwa ukukugela ugwe na une kuli kabalilo ka bumalikisyo kala, kala akabalilo ka linogono akabalilo kāko kilikyõsa kili kubutali na ugwe. Ugwe kufimbilisigwa ukwima pa gwīmwené apo. Haleluya! Ikyo kyo kyene.

³⁴ Ima pa gwĩmwéne. Sōkaga panja pala nukuti, “Palema nalinga Umwene ikungóga, pōpe Une ngunsubilaga Umwene.” Ulo lo Luyungu lwa Abraham. Uyo yo Yũyo uyu ikupa ulufĩngo. “Kali kyo fiki abāngi ba bēne bikuyoba, abangi ba bēne bikubōmba; kwa une ni nyũmba yāngu, uswe twisakumbombelāga Kyāla.” Alinkuti, “Linga abāngi ba bēne bikuyoba, ‘Kikayako nakimo ku kyakubonekela. Ikyēne kyo kipāmba kya kinyenyemusyo’; kwa une ni nyũmba yāngu, uswe twisakumbombelāga Kyāla.”

Kangi une nĩganĩle ukwĩma na Pauli papapa apa, nukuti, “Mu njila iyi yikubilikigwa ‘lusāmbuko’ momũmo ngwĩputila une u Kyāla gwa batāta bitu.”

“Palema nalinga bayepo abayobiyobi bikwĩsa nkipānga, palema nalinga bayepo abaniongasya, kangi palema nalinga abēne bayege luko losa lwa basololi abasyōbi na kilikyōsa kikwĩsa nkipānga pakati pa bāndu, kangi mbupalamani na kilikyōsa; lōli kwa une kangi ku nyũmba yāngu, uswe twisakubōmbéla u Ntwa. Palema nalinga bōsa bikuleka ukwĩsa, kangi palema nalinga ikipānga kikuya kitalale, kisitakupasya, une ni nyũmba yāngu, twĩsakumbombelāga u Ntwa. Palema nalinga umundu yumo ālĩputiligwe kangi akāli kanunu umma; ikyo kikaya bakimo ikyākubōmba ni kyēne; kwa une ni nyũmba yāngu, uswe twĩsakumbōmbelāga u Ntwa.” Imbēfyo ni ngelo.

³⁵ Abāndu bakaya basitakutoligwa, lōli Kyāla ali. Umündu, ugwe kubĩka ilinogono lyāko pa mündu, umwēne isakutēdeka ubusobi. Lumo kisitakwĩgana, lōli umwēne isakubōMba ikyēne. Kyāla ikwĩtikĩsya umwēne ukubōmba ikyēne ukuti Umwēne abagile ukusenyēnda ulwĩtiko lwāko ukusōkāko ku mündu. U lwĩtiko lwĩtu lukaya m’mahala ga mündu mma, loli mu maka ga busyuke bwa Yeso Kristi. Apo po pāpo u Luyungu lwa Abraham ulwābwānalōli lukwigēmesya ulufĩngo lwābo. Panongwa yakuti, abēne babagile itolo ukuya Luyungu lwa Abraham akabalilo kāko abēne bakwāmbilila u Mbepo Mwikemo. Kisita Mbepo Mwikémo abēne bakaya Luyungu lwa Abraham. U lwĩtiko lulula lula ulu lwāli mwa Abraham lukwĩsa mwa mwĩtiki. Kali kyo fiki iki kikuboneka pamo bo bukĩndāne buki, u mwĩtiki ikukũyila mulamula nkyēni.

³⁶ Abatēndéli balinkugomoka nukuyoba, “O, ikyēne kyo—ikyēne kyo butoyofu ukugela. Kukayapo nu bufũmbwe ubwa kukĩndilila pabutalipo palilpōsa, panongwa yakuti abāndu bala gyo mitāli kwĩsĩlya kula. Kangi abēne bali ni sikali ingulumba, kangi abēne—abēne bali ni ngwēbo, kangi, fiki, uswe kangi twābonekāga ngati mbāsi pamwanya pa lubafu lwa bēne.”

³⁷ Une ngamanya, lōli une nsōngĩgwe ukwĩtika apa ukuti Yoshua āli itolo akanini panini akāndu, itolo akanini panini, akanāndi akĩnitu. Une mbagile ukunketa umwene ukunyēla mmwanya, pa—pa luko lumo ulwa ibokosi, kangi alinkuti,

“Banyāmbāla kangī bakūndwe,” ku bāndu maelifu-elifu mabili, “uswe tuli bākukīndapo ukubagīla ukwēga abēne.” Muketile? Nongwa ya fiki? Lwālipo pala u Luyūngu lwa Abraham. Kyāla āpēle ulufīngo. Lula lwāli kyakupoka kyābo. Kyāla āpēle ulufīngo. Kali ifyakulwana fyāli fyo fiki, u Luyungu lwa Abrahamu ulwābwanalōli lwāyobile, “Uswe tubagile ukwega ikyene panongwa yakuti Kyala ātupēle ikyene kwa uswe.”

³⁸ Pala umwe mukwīma ulubūnju ulu. Pala kikwīma i Kipānga kya Kyāla gwabūmi. Une ndikupāsya iki aligwēsa uyūngi ikuyoba, iki ungānga ikuyoba, iki kalikōsa, iki unsitakwītīka ikuyoba, uswe tubagile ukukīnda pakufwāna ku kalikōsa aka kakwīsa mula. Uswe yuswe Luyūngu lwa Abraham, kangī uswe twisakupoka ikipata kya ndugu, kali undugu yo fiki. Kyāla āpēle ulufīngo. Lula lwāli lwābo, ikyakupoka kyābo.

³⁹ Ububūmbulusyo kyo kyakupoka kyāko. Ubupoki kyo kyakupoka kyāko. U Mbepo Mwīkēmo kyo kyakupoka kyāko. Kangī balipo abakulumba, amaelifu ga balūmbilili na fyōsa bo ifyo nkīsu umwīsyūgu, aba bikuti, “Ikyo kikaya lūlo mma.” Lōli u Luyūngu lwa Abraham lumēnye ikyēne kili lūlo. Abēne bikwīngīla mulamula nkati nukupoka ifipata fya ndugu. Kyala atile abene bisakubombaga. Abene bikwītīka ikyene panongwa yakuti ulwene lo lufīngo. “Lwāke u Luyungu lwisakupoka ikipata kya ndugu.” Lilino ugwe kwisakīnda ngamo mu ngelo, imbēfyo.

⁴⁰ Kangī Yoshua ālimile pala, nsubilīgwa. U mwīnitu unnīni alinkuti, “Une ndikupāsya kali banywāmu bulebule abēne bali. Une ndikupāsya lo luko luki lwa ngwēbo abēne balinasyo, bo bunywāmu bulebule utwāya twābo tuyēngelīgwe ni mbaso, kangī bo bukulumba bulebule ikyēne kili. Ulufīngo lwītu lo, lwākuti, ‘Ifipata fisakupokīgwa nu Luyūngu lwa bāna ba Kyāla,’ kangī uswe tukubūka kwīsīlya ukwakwēga abēne. Uswe tukīndilēpo ukuya bafwāne na bēne.” O, ulo lo Luyūngu ulwabwanalōli.

⁴¹ Bongī ba abēne aba bāpāpīgwe, uluyūngu lwakipelīgwa, balinkuti, “Uswe tukubagile ukubōmba ikyēne. Kukayapo ukufūmbwa kwa kugela. Muketile, uswe imbalilo yītu nninipo. Uswe tuli bāpasīpo; uswe tuli filifyōsa.” Kali fiki, umwēne alinkutolīgwa... Abēne bākētāga ku...iki ikisige kyākētīle. Kangī Yoshua ākētāga iki Kyāla āyobile.

⁴² U Luyūngu lwa Abraham lutikukēta ku findu filifyosa ifyakipelīgwa. Abēne bikukēta ku iki u Ntwa āyobile. Ulo lo lufīngo. Bule linga Abrahama ākētīle ku kipelīgwa? Ku nkikulu ifyinjā mia yumo fikīndilepo... Malongo mahano-namana mwene aali. Kangī umwēne mia yumo. Kangī ālitūgēle nu mwēne ukufuma pāpo umwēne āli ndīndwāna nnīni, kangī umwēna āli ndumiana unnīni, kangī kisita luyūngu. Umwēne akāketīle ifīndu ifyo mma. Umwēne alinkuti umwēne ālyēgīle

ifindu fila ukuya ngati ifyène fikâlîko, namanga umwène akêtága itolo ku iki Kyâla âyobile. “Une nisakukusaya ugwe, Abraham, nukukupâpo ugwe uluyûngu ukwisila mwa Sarah.” Kangi umwène alinkwîtîka ikyène. Ugwe utikukêta ku bupînge. Uswe tukukêta iki Kyâla âyobile. Kyâla âyobile ikyène, ikyo kikumasya ikyène.

⁴³ Popâpo polelo akabalilo kâko umwène ikusuluka ku Yorodani, akabalilo kâko Yoshua âtêndekîgwe ukuya ndagiligwa-banyafyale ba bwîte, kangi abène bikwîsa kulakula ku lwêmbe lwa mîsi kangi bâbagile ukukêta kwîsîlya nukumbona Yeriko. Lôli, pakati pa bène, akabalilo kâko Yoshua âtêndekîsyè ababwîte bâke, kyâlipo ikipata. Ikipata kila kyâbilikigwâga Yoradani.

Lôli u lufîngo lwa Kyâla lununu pa kipata kilikyôsa. Kali kyo kipata ikyène kili, ulufîngo lwa Kyâla lununu. “Umwene isakupokaga ifipata ifya ndugu gwake.” Ikyo kikumasya ikyène.

Akabalilo kako umwène ikwîsa pâsi ku Yorodani ulubunju lula, lumo, une nguyaga pakwîtîka ukuti u môhési âli na mabîngu agâmbélo gakwêléla palipôsa, amîsi amanywâmu agaiyolo agandipa gikubunila pâsi, imigûnda gyâpyâgilîgwe ukukilania nu mwêlésyo. O, ko kabalilo ka ngelo kaki! Loli Yoshua alinkuti, “Itêndekesyâga, umwe mukyaga pakulubona ulwîmîko lwa Kyâla.” Kangi abène balinkwikemesya bène nukwîtendekesya, ukwîtendekesya akabalilo kâko kilikyôsa kyabonekâga ukuya kikîndâne. Lôli lula lwâli Luyûngu lwa Abraham, uyu Kyâla âlapile, “Une nisakumpa umwène ikipata.” Umwène ikwîsa ku Yorodani, kila kyâki kipata kyâke, kangi umwène alinkupoka ikyène.

⁴⁴ Gamo mwa malubunju aga une ngufîmbilisigwa ukwîsa pâsi ku kipata ikyabumalikisyo kila nîne. Ugwe kufîmbilisîgwa ukusuluka pâsi ku Yorodani, lôli u Luyûngu lwa Abraham lwisakupoka ikipata. Kali ikyène kyo fiki, umwène isakupoka ikipata kya ndugu aligwêsa.

⁴⁵ Abanyâmbala bôsa bala bâli banyâmbâla abakulumba. Abène bâfwîle ndukîndi. Lôli, kubumalikisyo, ilisiku limo mu Betelehemu gwa Yudai, u Luyûngu Lwabunyafyâle âpâpîgwe. Iki, bôsa abângi ba bène bâLi itolo misyûngûlu. U Luyûngu Lwabunyafyâle lwâpâpîgwe, komma ugwa nnyâmbâla. Lôli Umwène apâpîgwe mwa mfûnde, na maka mu ndepo Syâke, ukupônjola ubufwe na gahêna. Kyâla âtêndîke ulufingo. U mundu gwâpalipôsa alinkutoligwa ukubômba ikyène. Loli linga Kyâla ikufinga ulufingo, Umwene yo itolo yulayula Umwene âli Kyâla akabalilo kanandî, na Abraham, Yehova-yire, u Ntwa isakupâ injila ya kwêgêla ikipata. Ngimba uswe tukubômbâga bulebule ikyène? Yoshua âfwîle. Môse âfwîle. Abângi ba abène balinkufwa. Lôli Kyâla âyobile, “Umwène isakupoka ikipata kwa ndugu gwâke.” Ngimba umwène ikupokaga bulebule

ubufwe? Umwëne ali nayo injila ya kubõmbéla ifïndu. “Umwëne isakupoka ikipata kya ndugu.”

⁴⁶ U Luyüngu Lwabunyafyàle lyäpápígwe. Umwëne ägelígwe mu njila yiliyõsa ngati uswe tuli. Itolo bo mümu ugwe ubagile ukugeligwa, momümo Umwëne äli. U möhësi nakalinga ukummwëga Umwëne, akabalilo kâko Umwëne älyämbilile Mbepo Mwikémo, ndulangalanga ku masiki ni filo malongo mana ukugeligwa. Kangi akabalilo kâko Umwëne äsókile pänja...Kangi ku bufwe Bwâke, abëne balinkwîngísya imisumali nkiboko Kyâke, nukufunyila nkisyo Kyâke. Umwene äbukile ukukindámo mu bukine bulibõsa. Lõli akabalilo kâko Umwëne ali apa pa kîsu, Umwene asisimikîsyu ukuti Umwene äbagile ukuponjola ububine. Akabalilo kâko unna gwa nkasi gwa Peteri älambaléle mbine, panongwa ya bukokonyale, Umwëne alinkupalamsya ikiboko kyâke kangi isekema yilinkundeka umwëne. Akabalilo kâko u gwabukoma alinkukûta ku kipata, “Bunyali! Bunyali! Linga Ugwe gwîganile, Ugwe ubagile ukumbela une ukuya kanunu.”

⁴⁷ Umwëne alinkuti, “Une nîganile. Yaga ugwe kanunu.” Umwëne äpõnjwile kangi älyëgile ikipata kya bukoma. Umwëne älyëgile ikipata kya sekema.

Umwëne ätendike ikipeligwa kilikyõsa ukumpilikila Umwëne. Umwëne ali yo Luyüngu Iwa Abraham, u Luyüngu Lwabunyafyàle, Yüy ulufingo lwäpegigwéko; ku Mwëne, Abraham kangi u Luyüngu lõsa ulu lwalinkõngile umwëne, mpaka ku Luyüngu Lwabunyafyàle, kangi u Luyüngu lõsa ukufuma ku Mwëne. U lufingo Iwa Kyäla lo lwabwanaloli. Umwëne äpõnjwile ububine.

Umwëne äpõnnjwile ulupesyo. Akabalilo kâko undugu äfunyile kisyu Kyâke, ätikile ikilega Kyâke, Umwëne alinkusyümbutuka ulubafu ulungi. Akabalilo kâko abëne bakubulága indefu ukufuma ku kisyu Kyâke nukumfinyila Umwëne, Umwëne akalyümenémo siku ukugomokesya. Umwene äponjwile ikipata kya lupësyu kangi alinkwëga ikyene.

⁴⁸ Polelo ugwe kuyoba, “Ilyõyo lyängu litisakundeka une mbõmbége ikyëne.” Ugwe, Luyüngu Iwa Abraham, ena, nkulumba, Umwene äponjolile ikyene kuli ugwe.

⁴⁹ Akabalilo kâko Umwëne aywëgeligwapo, Umwëne akaywëgile umma ukugomokesya. Akabalilo kâko Umwëne balimügile, Umwëne älikolile mbutëngáno. Akabalilo kâko Umwëne äbilikigwága u möhesi, Umwëne älikolile mbutëngáno. Umwëne äli ni mbombo yimoyëne, kangi yila yäli yo mbombo ya Täta, kangi Umwëne alinkubûka palipõsa ukubõmba kila. Polelo, kubumalikisyo, abëne balinkummwëga Umwëne kukipîngika. Ubufwe bwafîmbilisígwága ukukëtána na yu Mwëne. Bõsa ba bångi ba abëne bápõnjwile inyänja, kangi abëne bápõnjwile ikipeligwa, kangi abëne bápõnjwile ingalamu,

kangi abène bāpōnjwīle u moto. Abène bāpōnjwīle kilikyosa lōli ubufwe. Lōli apa ālipo Yumo, ukutika indepa Syāke, nkati mula, amaka gakupōnjōla aga bufwe. Popāpo abène balinkwēga ifiboko Fyāke nukundambalika Umwēne mōsa nukunkomelēla Umwēne ku kipīngīka. Abène balinkunkoma Umwēne kangi abène balinkung'wala umwēne mpaka ififupa Fyāke filinkukēta ku Mwēne. Lōli akabalilo kāko abène bābōmbīle, kangi abène bābōmbīle fyōsa babāgīle ukubōmba, ubufwe bulinkuntika Umwēne, bulinkuti, “Lilino une ngwegaga Ugwe bo une nābōmbīle Yoshua. Une ngwegaga Ugwe bo mūmo une nābōmbīle Danieli. Kangi une ngubōmbāga fyosa ifi, panongwa yakuti une ngukutēdekāga Ugwe gufwe.”

⁵⁰ Kangi Umwēne alinkufwa mpaka ilisuba lilinkuya ni soni pa lyēne. Umwēne alinkufwa mpaka ikipeligwa kilinkuya ni soni kangi icyēne kilinkutoligwa ukubombela. Ilisuba lilinkwīngīla pakati pa lisiku. Indondwa silinkutoligwa ukusōka pānja. Umwēne āfwīle mpaka ifimbakasya fyāli fitītu fiyo ugwe ukabagīle ukukēta ikiboko kyāko pankyēni pa ugwe, pakati pa lisiku. Une mbagile ukwinogonela ikipeligwa kyāyobile, “Unko une mfwe palikimo nu Mwēne.”

⁵¹ Nkundwe! Polelo u mōhesi alinkutuma u moyo Gwāke umpala ku fibwina ifisitalwālo ifya gehena. Kula ifipata filinkwīgūka, lōli Umwēne alinkusōkako pisiku lya butatu, ukupōnjōla icyēne. Amenī. “Uluyungu Lwake lwisakupoka ikipata kya ndugu.” Āpōnjwīle ubufwe! Umwēne āpōnjwīle gehena. Pa lubunju lula ulwa Pāsa, Umwēne āpōnjwīle ilipūmba. Lilino uswe tukwīma, ukukīnda abapōnjōli, ukwisila mwa Umwene Uyu ātuganile uswe.

⁵² Pa Lisiku lya Pentekosti Umwene alinkutuma pāsi Mbepo Mwīkemo, ukukīndilīla, ukukīnda a Bāpānja, ukwēgamo u Luyūngu lwa lufingo. Ukupa ku Bāpānja, abatāgīgwe, ukupa ku bēne ulōsyo lwa Mbepo Mwīkēmo, ukubatwālīla abēne u Lufingo. Lilino uswe tuli nu bwābuke ukupōnjōla ububine bōsa. Uswe tutikufimbilisigwa ukupōnjōla ubwēne; ubwēne butalile bupōnjolīgwe. Uswe tukufimbilisigwa itolo ukufumusya u lufingo nukubūka ukwakwēta icyēne. Ikyēne kyo kitalīle kipōnjolīgwe. Ubufwe bupōnjolīgwe. U gehena apōnjolīgwe. Ububine bupōnjolīgwe. Ulupefyo lupōnjolīgwe. Abōhēsī bosa bapōnjolīgwe. U gehena apōnjolīgwe. Ubufwe bupōnjolīgwe. Ilipumba lipōnjolīgwe. Uswe tukwīma nkipata, ukwēga icyēne, tutikufimbilisigwa ukutusulīla ni kipolopolo nakimo. Ikyēne kyo kyōsa kihōmbīgwe.

⁵³ Undugu gwake, umwēne isakupokaga ikipata kya ndugu gwake. Ngimba balinga? Maelifu ga maelifu-elifu; umwēne isakupokāga ikipata kya ndugu gwāke, undugu aligwēsa. Umwēne āfyūkilē ukufuma ku bafwe. Uswe tupokile icyēne panongwa yakuti Umwēne ātupēle icyēne kwa uswe. Ikyēne kyo kyābupi kyaitolo, palubafu lwa fyōsa ifyo, kangi kilikyōsa

iki Umwēne abōmbile, kangi alinkupōnjola ikipata kilikyōsa. Umwēne āpōnjwile ububine, alinkwēga ikipata. Ikindu kyene iki uswe tubagile ukubomba ko kwēnda ku kipata, ukuyoba, “Mu Ngamu ya Yeso Kristi, u Mponjoli!” Ameni.

⁵⁴ Akabalilo kāko ukwēne kukwisa kabalilo akākufwa, kangi ubufwe bulinkuti, “Ngētésya ube ngumpela umwēne ukugomokela pa bwipúti bwāke.”

⁵⁵ “Mu Ngamu ya Yeso Kristi gwa Nazareti, gomokela kunyuma, Yorodani!” U Luyūngu lwa Abraham lukwēga ikipata.

⁵⁶ Fiki, Pauli āyobile, akabalilo kāko abēne bitēdekesyāga ukutumula untu gwāke, u Luyūngu lwa Abraham, umwēne alinkuti, “Bufwe, kali kugu ukasufi kako? Lipumba, buli kugu ubuponjoli bwako? Ndaga kwa Kyāla Yūyo ikupa ubupōnjōli ukwisila mwa Yeso Kristi.”

⁵⁷ Umwēne isakupoka ikipata kya ndugu gwāke, ega ikyēne. Lilino, umwene akatikilígwa mma ku kipata. Umwēne isakupōnjōla ikyēne nukwēga ikyēne. Umwēne isakupoka ikyēne. Ikyo kyo kili mmaka gāke mwēne.

⁵⁸ Mu Kipanga kya Kyāla gwābūmi, ulubunju ulu, mulambalele amaka aga kubūmbulusya ububine bōsa. Mu Kipanga kya Kyāla gwābūmi mulāmbalēle amaka aga kupōnjōla ulupefyo lōsa. Mu kupoka kwa Kipānga kya Kyāla gwābūmi, ulubunju ulu, mulāmbalēle amaka ukupinya mminyololo ubutulwanongwa nukubusopēla ubwēne pānja, nu kwāmbilila ulosyo lwa Mbepo Mwikemo, mu Kipanga kya Yeso Kristi.

“Kilikyōsa iki ugwe kunyonywa, sūma mu Ngamu Yāngu, kangi ikyēne kisakupígwa kwa ugwe. Akabalilo kanini, kangi ikīsu (aba bakaya-Luyūngu, uluyungu ulu lukamesígwe) kitisa kumbone Une kangi mma. Lōli umwe mwisakumbonaga Une, kabuno Une ngwisakuyaga na umwe, mope nkati mmyinu, ku bumalikisyo bwa kisu.” Fyo fiki? U Luyūngu Lwabunyafyale. “Imbombo isi Une ngubomba, numwe mwisakubombaga. Une nisakusisimikisya Nimwēne ukuti Une ndi na umwe, kabuno ifimanyilo ifi fisakukōnga abēne aba bikwītika.”

Umwēne isakupoka uluyūngu lwa ndugu gwāke. Umwēne isakupoka. Uluuyungu Lwake lwisakupoka ikipata kya ndugu, kali kyo fiki ikipata kili. Linga ubwēne bo bubine, lupefyo, butulwanongwa, kyo kipata nki ikyēne kili, ikyēne kipōnjōlígwe. Kangi u Luyūngu lwa Abraham lupokile ikyēne.

⁵⁹ Ngimba umwe mukaya basangalufu, ulubunju ulu, ukumanya ukuti uswe tukwīma lilino ukuya bakīnde ukukīnda abapōnjōli? Bakīnde ukukīnda abapōnjōli! O, kikayapo nakimo ikyākulwīlāpo. Ukulwa kumalike. Upyoto akubígwe. Indembela yifyūkile. Kangi nkati mwa kilundiko kya butulwanongwa kilikyōsa, pakati palipōsa pa kyūmba kya bubine, kyo kyaiyolo ikipīnga ikyamagengelema, kibyālígwe ni Lilopa lya Yeso

Une ndinako ukufumbwa. Lōli une ngwisa kukipata lilino. Une nguya pakwēga ikyēne, ulubunju ulu, ikipata kyāngu. Popāpo, sema, une ngwīsa ngukilania.”

⁶³ Nsayígwa Ntwa, Ugwe ugabwēne amaboko gōsa. Kangi Ugwe umenye ili lyo Lisyu Lyako, Ntwa. Une nāndísya itolo Ilyēne, kangi ndwēla pāsi ukwēndelāmo Mmasimbo. Abakine ba i Bāngéli, isya mūmo abēne bātōlile ifitāngalāla nukubōmba ubugolofu, nukusimisya u mōto, ubukali bwa mōto, nukubopa ulwēmbē lwa lūbo, nukwīmika imilomo gya ngalamu, kangi, o, ukongelélāpo, abakikūlu bālyāmbilile abafwe bābo ukugomokela ku būmi, ni findu fingi, panongwa yakuti Ugwe gwāfīngile ikyēne. Ulwēne lo lufīngo Lwāko, “Luyungu Lwāke.” “Luyūngu Lwako, Abraham, lwisakupoka ikipata kya ndugu.” Kangi Ugwe kufimbilisígwa ukukyūnga ulufīngo Lwako.

⁶⁴ Lilino pāga ku bēne, Ntwa, ikinyonywo kya ndūmbūla syābo. Balibūkāga abēne ukufuma apa u mūndu unkīndāne. Balibūkāga abēne, bamenye ukuti abēne—abēne bo bapōnjōli, panongwa yakuti u Luyūngu Lwabunyafyāle lupōnjōlile ku bēne. U Mwalafyāle Gwabunyafyāle, akabalilo kāko Umwēne ikwīsa, apāpīgwe mu mfūnde, Umwēne āpōnjwīle u ndugu aligwēsa, kōpe ku bufwe. Popāpo ubufwe bwēne bukabagīla ukutīlīsyu u Luyūngu lwa Abraham. Uswe tuli nu lufīngo ukuti uswe twisakwīngila ikilīngo i kīsu, kangi twīsa kugomokela kangi mu njila iyalwīmikoko, mu mbili ugwālwmīko, ukufuma pāpo u ndugu ugwabumalikisyo abikīgwe pāsi pa kilūndi, ikya mwēne ntiga kangi gwabumalikisyo u Mwana gwa Kyāla uyu isakwīsa mu Kitāngalāla.

⁶⁵ Linga balipo bala na maboko gābo mmwanya, Ntwa, aba bo batulwanongwa, bapoka abēne. Bala bābo bikugomokela nyuma, unko abēne bamanye abēne batikufimbilisígwa ukusyāla bagomokela-nyuma. Umwēne abagile ukupoka ikipata kya kugomokela-nyuma. Lumo yumo yula ni lyōyo, u—u lwamahelu, ululimi ulubwapufu, pamo indumbula ya finyonywo, pamo yimo inyīmi, pa hēla, pamo—pamo ikindu kimo ikyakinyanyasi, unko abēne bamanya ukuti abēne babagile ukupoka ikipata kila. Lumo ikyēne kyo bubine, Ntwa, ubutolwe. Abēne babagile ukupoka ikipata ikyo, “Kabuno Umwene afulasigwe panongwa ya ngilano syitu, ākuyubulīgwe panongwa ya butulwanongwa bwitu. Ulufundo lwa lutengano lwitu lwāli pa Mwene, kangi ni fulale Syake uswe twabumbulusigwe.” Uswe tukindile abaponjoli, ulubunju ulu. Tupaga ikyene, Ntwa.

Kangi palubafu pa fyōsa ifyo, imbombo inywāmu iyi yābōmbīgwe nu Mwēne, napāpo Umwēne ali na uswe. Napāpo, Umwēne āfīngile Umwēne ikubōmbāga ikyēne. “Nkabalilo kanandi kangi ikisu kisakusita kumbona Une, napāpo umwe mwisakumbonaga Une; kabuno Une nguyaga na umwe, mōpe na nkati myīnu, mpaka kubumalikisyo bwa ngulilo.” Une ngusuma, Tata, ukuti Ugwe kwīpelaga Gwimwene ukumanýigwa kwa

yumo na aligwēsa, ulubunju ulu. Kabuno uswe tukusuma ikyene mu Ngamu ya Yeso. Amen.

⁶⁶ Ngimba umwe mukwitika ikyo ukuya Bwānalóli? Nubusito itika ikyēne ukuya Bwānalóli, komma ukupepeluka kwa kwīlāmwa mu ndūmbula yāko. Lilino itolo kūmbukila iki. Ukubōmba kwa Mbepo Mwīkémó ko kupepe fiyo mpaka ukwēne kukufubānia ilinogonelo lyabamahala. Ifīndu ifipepe fiyo ifi une siku. . . Une ngetilemo u Mbepo Mwīkémó ikubōmba iki. Une nābagile ukuyoba ifīndu fyākuti, fiki, une ngābagile ukwīnogonela isya ikyēne ukuya mu njila yila. Linga une nifimbilisyāga ukubōmbela ilinogonelo lyāngu lyēne, une āngali nguyoba, “Mulimōsa, ikyo kikābagile ukuya kitalusye.” Lōli ikyēne kyo bwīla kitalusye. Umwēne ikubōmba ifīndu itolo mbupepe fiyo. Kangi Umwēne ikubōmba ifīndu ukwipela Mwēne ukumanyigwa ku bāndu Bāke. Kyāla ali na bāndu Bāke. Umwēne ali nkati mbāndu Bāke. Umwēne abaganile abēne. Kangi Umwēne ikulōnda ukubabōmbéla abēne, nukubatūla abēne; na itolo ukubītikisya abēne ukumanya, komma iki Umwēne *isa* kubōmba, lōli iki Umwēne *atalile* abōmbile. Umwēne atalile abōmbile ikyēne. Ikyēne kyo kyāko. Ikyēne kyo kyāko kya ugwe. Ikyēne kyo kyābūpi kyaitolo ukufuma kwa Kyāla Tāta gwītu, ku Kipānga Kyāke.

⁶⁷ Lilino mūmo ilinogonelo lyabamahala lisakuyaga liniongasigwe fiyo, ngati mmasiku ga Daniel, kangi mmasiku ga bana baKihiburi, kangi—kangi ba bīngi aba uswe tuyobilepo isyābo ulubūnju ulu. Muketile, ikīsū ikyāmahala ikikulumba mu lisiku līla kyāli itolo kikafu ukupōnjōla mūmo ikyēne kyīlile lilino. Ikyēne kyo bwīla kili ndugu, ku njila yābo iyakukētéla, ni sayansi yābo isyamwīsyūgu ni fīndu, fyāli itolo fyabumang’anyi ni fīndu, ku līnogonélo akabalilo kala, bo mōmu kuyīlile umwīsyūgu. Muketile, ikyene kyāli kindu kilakila. Lōli bālipo pala bala, bwīla, aba bāsulilwe ukusyāla pala nukuyoba, “Kyāla yo ntalusye. Ilisyu lya Kyāla lya lyābwānalóli.”

⁶⁸ Kangi, ugwe utikufimbilisigwa ukupōnjōla, panongwa yakuti Umwēne āponjwīle. Ikindu kyēne ugwe ubagile ukubōmba kyo itolo ukubūka kula nukukwakwēga, ima pa kipata, yoba, “Ikyēne kyo kyāngu. Iki kyo kyāngu. Kyāla āpéle ikyēne kwa une, ubupoki bwāngu. Linga une ngulōnda u Mbepo Mwīkémó, Kyāla āpéle Ikyene kwa une. Ulufingo luli kwa une, ku bāna bītu, bōsa aba bali kubutali, na bubwīngi ubu u Ntwa isakubilikila.” Fyōbéne une ngwīma. Itolo . . .

⁶⁹ Ubutumigwa bwāngu, ubwa kukētéla-ngāni uku na fyōsa bo ifyo, ubwēbe bwisakumalika lululu lilino. O, ubwēne bwisakuyabo bwīla pala. Lōli ubwēne lululu bwisakumalīsyā iki, ’nongwa yakuti ikyēne kisakuyaga kindukimo ikinywāmupo. Muketile? Ikyēne kikīndilile ukufyūka mmwanya; ukufuma ukukola kwa kiboki, mpaka ku kumanyila-ngāni, kangi lilino umwēne ikwītendékésya ukupela uyūngi. Muketile?

Muketile icyène. Kētésya icyène kangu manya ukuti icyene kyābwanaloli. Muketile? Une mmenye icyène kyo Bwānalóli. Kangu icyène kikuyaga kikulumbapo, icyapamwanyapo, ikununupo. Naloliloli. Fiki, Umwēne afīngile icyène. Kangu iki Umwēne ikufinga, Umwēne ikubōmba. Umwene akabagila ukutoligwa mu lufingo Lwake. Kangu ngimba icyène kyo fiki? Ukuyapo Kwāke ukwabūmi-bwīla na uswe, ukutwītíkísyā icyène, ukukwītíkísyā ugwe umanya ukuti Umwēne egile ikipatala kuli ugwe.

⁷⁰ Umwene ali Luyungu Lwabunyafyale. Nayumo abagile ukwega ifipata fila loli Umwene. Bosa bala kunyuma kula bali misyungulu gwa kwisa Kwake. Loli akabalilo kaku Umwene ikwisa, ukwene kwamasisye ukulwa kosa. Ubwite bwamalíkísigwe ku Getisemani kangu ku Kalvari. Kangu lilino uswe tukwima itolo, ukuya baponjoli. Kukayapo ukulwa ukwakubomba. Uswe. . . Ubwite bumalike. Uswe twe benenakyo itolo, ifikalata fyabwenenafyo ku kyene. Ikikalatasi ikisimbígwe na Kyala, Tata gwitu, Yuyo afyusisye ikiboko Kyake, alinkuti, “Une nisakulapa pa Nimwene ukuti u Luyungu lwake lwisakupoka ikipata kya ndugu.” Apo icyene kili. Ikyene kitalile kyegigwe. “Umwene *āfulasigwe* panongwa ya ngilano syitu. Ni fulale Syake uswe *twā* gangwike.” Ikyene kitalile kibombígwe. Ikyene kyo mbombo imalísígwe. Uswe tupokile itolo icyene. “Kangu imbombo isi Une ngubomba, mwisakubombaga umwe numwe.” U Mwalafyale ali na uswe, ulubunju ulu. Isayo Syake ingulumba, u Mbepo Mwikemo, ikwenda pamwanya pa uswe. Ukwipilika ulwipiliko ulwimikigwe lula, ukumanya ukuti icyene kyo katikati kyo kili ni. . .mu bugoloke ni Lisyu lya Kyāla. Ikyene kikutupa uswe ulusubisyo lumu, ukumanya ukuti—ukuti Kyāla yo Tata gwitu.

⁷¹ Lilino, une ngusubila, ngimba umwene—ngimba umwene ayabanisye amakadi ga lwiputo ulubunju ulu? Une nalimbulile umwene, sili kanunu, linga bakalipo abakongelelapo ukukinda abandu bapakipanda, mulimosa, komma ukuyabania amakadi ga lwiputo galigosa. Loli linga balipo—balipo bu bwingi bo kalongo, abandu kalongo na bahano, pamo ikindikimo, abahesya mu fipata, fiki, ukupa amakadi ga lwiputo, ukuti uswe twabagile ukubatwala abene kuno nukubiputila abene. Balinga aba bahesya na uswe ulubunju ulu? Fyusya ikiboko kyinu. O, mwe! Naloli. Balipo kalongo na bahano pamo malongo mabili ga bala. Umma ndaga. Uswe twisakugolosya amakada ga lwiputo aga nukubatwala abene kuno ku kigemo. Muketile, inongwa iyi une njobile ukufwana na bandu “bapakipanga” bala, abene bali apa.

⁷² Ukukētéla-ngāni uku, kumbukulaga, une nguyobelapo iki, u kukētéla-ngāni kwisākuyága kubumalíkísyo, pisakuyapo ikīndukimo ikinyāmupo fīyo kangu ikununpo fīyi, itolo mu njila. Kyālipa, ikyo une mmenye, muketile umwe mukubabona

abakundwe babili lilino, aba bālīmīle na une mmayolo, akabalilo kâko ikyo kyâbonīke, muketile, kangi pakiyolo, akabalilo kâko ikyēne kyâbonīke. Kangi ikyo kyo katatu ukukōngesania, lilino, ikyēne kibonike, ukusisimikosya ukuti ikyēne kili lululu lilino kifuki, muketile, ikyēne kikwītēndekésya ukubōmbigwe.

⁷³ Lilino, gwe Ntwa, Ugwe gwe Kyāla, kangi uswe bo babombombombo Bâko. Uswe tukukupālisya Ugwe panongwa ya Lisyu Lyâko, panongwa ya Mbepo Mwikémo, Yūyo atusayile indūmbula syītu. Kangi lilino uswe tuli basangalufu. Uswe tukwītūgāsya apa, tumēnye ukuti uswe tuli bapōnjōli. Uswe tutalile tuli benenafyo ba fipata fyōsa fya ndugu. Ikyēne kipēgigwe kwa uswe, kangi uswe tuli ni fūngulīlo ya kwīgūla fyōsa nkiboko kyītu. I Ngamu ya Yeso Kristi yīsa ku . . . kwīgūla ikipata kilikyōsa kya ndugu. Ega ifūngulilo iyi, ifūngulilo ya Ngamu ya Yeso, kangi igu- . . . igula ikipata kilikyōsa kya ndugu iki kikubīkīle ugwe mbupinyīgwe ukufuma ku lufingō lulilōsa.

Kangi, Kyāla, ulubunju ulu uswe tukwīsa mu Ngamu ya Yeso, ni fūngulilo iyi, ukwīgūla ifipata fya babine na bōnywa. Kabuno iliyene lisimbigwe mu—mu Lisyu Lyāke, “Mu Ngamu Yangu abēne bisakusosyaga imisētāno. Abēne bisakuyobaga mu ndimi imbya. Kangi linga abēne bikupīmba imiyoka, pamo ukunwa ifindu ifyākugoga, ikyēne kitisa kubafulasyaga abēne. Abēne bisakubumbulukāga amaboko gābo pa babīne kangi abēne bisakubumbulukāga.” Uswe tumenye ifindu ifyo fyābwanalōli. Kangi tupāga, ulubunju ulu, gwe Ntwa, ukuti abēne bisa, ukuti abene bisakubagilāga ukukēta ikyo, ukwīsila mu bonekesyo bwa Lisyu lipeligwe mbili nukwītūgāsya pakati pa uswe, ukuti, “Umwene afulasigwe panongwa ya ngilano syitu; ni fulasigwe Syake uswe twagangwike.” Kangi abēne balītikisyāga ikyēne nukubūmbulusīgwa, ulubūnju ulu, ukufuma ku bubine bōsa ni mbūngo ni ndamio. Uswe tukusuma ikylene mu Ngamu ya Yeso. Amenī.

⁷⁴ Ngimba ugwe ubagīle ukukuba, Teddy, *Itika Itolo*, nikimyemye kangi nubōlōlo, linga ugwe gwīganīle.

Kangi fiki? Ngimba ugwe gwāndile ukufuma pa kimokyēne? Imbalilo ya kwānda, ilikādi lya lwīpūto. Limo, lyakibili, lyakitatu, lyabuna, lyabuhano, lya ntandatu, lyabuhano na mabili, lya lwele, lyabuhano na lyabuna, lyakalongo, pamo liliyōsa ili liliko. Fyosa fili kanunu. Ngimba ugwe itolo nikimyemye, linga ugwe ubagīle ukusumuka, isaga kuno ulubafu ulu.

[Nkundwe ikuyoba, “Ngimba balinga ugwe gwābilikīle?”—Nsimbi.] Ha? [Yumo ikuyoba, “Ikyo kyo kyēne. Ikyo kyo kyēne.”] Ukufwana ni . . .

Unko uswe tukēte, mbalilo yakwanda, mbalilo yakibili. Ywāni ni mbalilo ya lwiputo mbalilo yakwānda? [Nkundwe ikuyoba, “Une ndinalyo iliyēne.”—Nsimbi.] Ena. Mbalilo ya

bubili. Umma ndaga, nkulumba. Mbalilo ya butatu, mbalilo yabuna, mbalilo yabuhano, mbalilo yabuhano na sibili, mbalilo yabuhano na limo, mbalilo yabuhano na sitatu, mbalilo yabuhano na sina, mbalilo yakalongo.

⁷⁵ Akabalilo aka abêne bikupela injila yābo nukwēga ubuyo bwābo ubwa kwīma, une ngulōnda ukulālusya ililālúsyō ku bāmo ba bāngi ba umwe. Balinga, ngimba balipo abāndu bapakipānga balibōsa apa, aba babine? Abāndu bāpakipānga, fyūsya ikiboko kyāko. Kifuki bahano...bana, bahano na yumo, bahano na babili, lwēle. Lwēle pamo amaboko lwēle na limo. Ngimba alimo aligwēsa muno nkipānga, uyu akaya apa pa kipānga, abêne bo bahēsya na uswe, palema nalinga ugwe gwābagile ukwīsa muno ukufuma pa bulūmbilili kangi mukālyēgile ilikādi lya lwīputo? Ngimba ugwe kufyūsyaḡa ikiboko kyāko? Aligwēsa uyu ali nu kufūmbwa ukwa Kyāla, uyu akaya. . . uyu—uyu atikwīsa ku kipānga iki. Aligwēsa apa uyu yo akaya mwenekaya gwa kipānga iki, kangi—kangi napāpo ugwe uli mbine kangi ugwe ukuya nalyo ilikādi lya lwīpūto, ugwe kulonda ukukumbukiligwa ndwiputo? Ngimba ugwe ubagile ukufyusya ikiboko kyako, umundu aligwesa? Umma ndaga. Ikyo kyo kinunu. Umma ndaga.

⁷⁶ Lilino une nnguyapakulālusya linga umwe itolo nuluyīndiko mūmu umwe mubagilile, itolo ku—itolo ku maminiti manandi, kangi polelo uswe tukwāndāga itolo nukwānda. Lilino unko uswe tukēte. Yo fwānji nyingi bulebule ugwe ulinayo yisyēle uko, Billy? Umma ndaga. Ngimba iyo yo mbalilo kalongo uli nayo apo? Une nābilikile ukufuma pa yakwānda mpaka kalongo.

Kalongo na yimo, kalongo na ibili, kalongo na itatu, kalongo na ina, kalongo na ihano, unko abêne bīme lilino. Linga abêne bo mbalilo kalongo, kalongo na yimo, kalongo na ibili, kalongo na itatu, kalongo na ina, kalongo na ihano, unko abêne bīme. Umma ndaga. Kwānda, ibili, itatu, ina, ihano, ntandatu, ihano na ibili, lwēle, ihano na ina, kalongo, kalongo na yimo, kalongo na ibili. Kusyele kifuki ibili ukōngelelāpo, ukufuma pa yimo mpaka kalongo na ihano. (. . . ? . . . ihano na ibili, lwēle, yabuhano na sina, yakalongo, kalongo na yimo.) Kalongo na ihano, kalongo na ihano na yimo, kalongo na ihano na ibili, kalongo na lwēle, kalongo na ihano na ina, malongo mabili.

⁷⁷ O, gūlila iminiti. Une—une nālimbūlile umwēne itolo ukupa amakādi ga lwīpūto ku bāndu aba bakāli ni kipānga iki. Uko ko kutalusya. Muketile? Panongwa yakuti, ikyene kikuyaga, muketile, kukētēla-ngāni. Abāndu bikuyoba, “Abāndu aba bikwisa ku kipānga iki.” Muketile? Une—une ngubabula umwe. Balinga bīsiléko kuno. . . bakīsamo siku kuno? Unko uswe tukēte ikiboko kyāko, nayumo uyu isilémo siku mu yimo mwa ngomano pabutasi. Umma ndaga. Umma ndaga.

Lilino, umma ndaga, itolo pakabalilo lilino, Nkundwe Teddy.

⁷⁸ Lilino une mbagile ukuyoba iki, ukuti, aligwësa gwa umwe apilike isya ngomana, mûmo icyène kikubûkila, palema, bule umwe, abându bôsa bisilémo mu ngomano? Muketile? Akabalilo kâko Ntwa Yeso âli apa pa kisu, Umwëne akâliyôbile ukuya mbumbulusyi yumo. Umwëne ali Luyungu lwa Abrahamu, naloliloli, kangi Umwëne ali nu lufingo na yu Umwëne. Umwëne alinkuyoba Umwene akâbômbâga nakimo mpaka Tata âlinângisye Umwëne. Ngimba isyo ndalusye? Kangi Umwëne alinkuyoba, “Une mbagile ukubômba nakamo mpaka Tâta ikumbonesya Une ikyakubomba.” Kangi Umwëne âkibwëne icyène ukwisila. . . Komma “mpaka Tâta *ikumbula* Une.” “Mpaka Tâta *ikunângisya* Une.” Mwîkêmo Yohani 5:19, “Iki une nguketa u Tâta ikubômba, ikyo ikubomba u Mwânundumiana lulalula.”

⁷⁹ Lilino akabalilo kako Umwëne—Umwëne ikwisa, uswe tukusyagania, ku bwandilo bwa butumigwe Bwâke, ukuti ukufuma pâpo Umwëne egâga i—i kikota kya Davidi. . . [Ubuyo busitakandu pa tepi—Nsimbi.] Ukuyobela mwambepo, i. . .

Akabalilo kâko u Mbepo Mwikemo ikwisa pa Mwëne ku lôsyo, lwa Yohani, kangi Umwëne alinkuya u Mesiya umpakigwe. Lilino, kumbukilaga, Umwene âli Mwanundumiana gwa Kyala akabalilo kako Umwene âpâpîgwe. Umwëne âli Mwanundumiana gwa Kyala umpâpîgwe-mwa-mfunde. Lôli akabalilo kâko Umwëne alinkuya Mesiya, ko kabalilo kâko Mbepo Mwîkêmo ikwîsa pa Mwëne, 'nongwa yakuti u *Mesiya* kokuti u “mpakigwe yula.” Muketile? Kangi Umwëne âli yo mpakigwe Yula akabalilo kâko u Mbepo Mwîkêmo âlisîle pa Mwëne. Umwe mwâlimbilike une ngulûmbilila pa *U Kang'osi Ni Ngungubiya*. Polelo uswe tukusyâgania, akabalilo kâko Umwëne. . . Ukufuma pa masiku malongo mana Gâke aga lupefyo, Umwëne âlisîle pânja.

⁸⁰ Kangi ngimba u butumigwe Bwâke bwâlyândile bulebule, kangi ubwëne bwâmalike bulebule? Uswe tukusyâga ukuti, mu butumigwe Bwâke, ukuti âlipo unnyâmbâla ni ngamu ya Andrea, uyu âbûkile nukwakummwâga unkundwe gwâke, Simoni, undobanswi, nukuntwâla umwëne kwa Yeso. Kangi Yeso âlimbulile umwene, alinkuti, “Ingamu yako yuwe Simon. Tata gwako yo Simoni. Ukufuma apa ukubûka nkyëni ugwe kwisakubilikigwâga *Peteri*, iki kokuti ‘akabwe akanini.’” Umwe mukukûmbukila ikyo? Kangi umwînitu unnîni uyu âswigisigwe fiyo ku iki Yeso âlimbûlile umwëne!

Lilino, ngimba Mesiya abagile ukubômba silasila? Balinga bamenye ikyo, yoba, “Ameni.” Umwene âyaga pakuya Kyala-Nsololi. Ena, nkulumba. Môse âyobile, “U Ntwa Kyala gwînu isakufyusyaga u Nsololi afwanikisigwe bo une.

Ikyène kisakuyako ukuti yūyo atisakumpilika u Nsololi uyu isakutumulígwa ukufuma ku bāndu.”

⁸¹ Lilino, polelo akabalilo kāko uswe tukusyāgānia, pankyēnipo, Abāke...“Umwēne ālisile ku Bāke Mwēne.” Bāla bāli baliku? AbaJuda, ukwisila mu kipeligwa. “Kangi popāpo Abāke Mwēne bakālimmwāmbilile Umwēne mma,” popāpa Umwēne ālinafyo akabalilo kala...Lilino ikyēne kikufimbilisígwa ukubūka ku Bāpānja, muketile, ’nongwa yakuti Abāke Mwēne bakālimmwāmbilile Umwēne mma. “Lōli na bu bwīngi bwa aba bālimmwāmbilile Umwēne, ku bēne alinkupa Umwēne amaka ukuya banabalumiana ba Kyāla.” Popāpo lilino Umwēne alinkusanukila ku Bāpānja, kangi aliko, ku fyīnja maelifu mabili. Lōli lilino kētésya ifindu ifi Umwēne ābōmbile.

⁸² Polelo Filipu, ukufuma pāpo umwēne akētége iki kikubōmbígwa, umwēne ābukile kangi ālimmwāgile Nataniele, nukumbūla Nataniele Yūyo umwēne ālimmwāgile na ifi Umwēne ābōmbile. Kangi ikyo kyālinswīgisyē umwēne. Umwēne kifuki ālinkutoligwa nu kwītika ikyēne. Lōli akabalilo kāko umwēne āfikile mu Kuyapo kwa Ntwa Yeso, akabalilo kāko umwēne akwāgile kūko Umwēne āli, ukwīsa kula mu Kuyapo Kwake, Yeso alinkuti, “Keta um’Israeli mwa yūyo mukayamo ubugāsi nabumo.”

⁸³ Lilino, linga ugwe gwābagile ukuti gwālimile pala, ngimba ugwe kwinogona ugwe āngali uli gwāmwbepo ukufwāna ukuti āngali gwāpilikisyē Uyu iki āli? Ugwe kwīnogóna ugwe āngali ubōmbile ikyēne? Lilino kētésya. Muketile? U Nnyāmbāla yula, itolo u Nhēsya, u ndoba-...pala, Umwēne lumo ābagile ukuya ndobanswi. Umwēne āli nkeka-matapwa, kyo iki Umwēne āli. U Nnyāmbāla nkeka-matapwa uyu imile pala, u Nnyāmbāla gwa mbukusi-bwa-pakati. kangi kuno ikwīsa u nnyāmbāla uyu. Umwene alimbwene umwene, ukuya bo banyambala yumo uyu apa, alinkuti, “Keta um’Israeli mwa uyu mukayamo ubugaasi.” Mulimōsa, ābagile bulebule Umwēne ukumanya umwēna ali m’Israeli? Komma mūmo umwēne āfwālile, ’nongwa yakuti bōsa bafwālāga lumolwēne. “Mwa yūyo mukayamo ubugāsi nabumo.” Ngimba Umwēne āménye bulebule umwēne āli u—u nnyāmbāla unsitakasolo?

⁸⁴ Popāpo ikyēne kyālinswīgisyē u nnyāmbāla uyu. Ukuya mwītiki gwanaloli, umwēne alinkuti, “Rabbi,” pamo nkundwe, ndumbilili, mmanyisi, “ko kabalilo nki Ugwe gwalimbwememo une siku?” Muketile, umwēne āndālusyāga Umwēne.

⁸⁵ Umwene alinkuti, “Bo Filipu akāli nukukukolela ugwe akabalilo kāko ugwe gwāli pasi pa mpiki, Une nākubwene ugwe.”

Umwene alinkuti, “Ugwe gwe Mwānundumiana gwa Kyāla. Ugwe gwe Mwalafyale gwa Israeli.”

⁸⁶ Yeso alinkuti, “Panongwa yakuti Une ngubūlile iki, lilino ugwe kunyītika Une? Lilino ugwe kwisakukēta ifindu ifikulumbapo ukukīnda iki.”

⁸⁷ Kangi fyōbēne une ngwitika ukuti i Kipānga kya Kyāla ugwabūmi kisakubonāga ikīndu ikikulumbapo ukukīnda iki. Ikyēne kikutēndésya ukukata mulamula mu kyēne lilino, lululu ulu, muketile, panongwa yakuti abēne bitīke ikyēne. Bala bābo bapīkīle ikyēne, panongwa ya mipaka gwa fipānga-fipāgūke, une ngwilāmwa kali abēne bisakwītika kalikōsa. Muketile? Ifīndu. . . Ugwe pamo kwisa kwēnda mu Bwēlu pamo kuyaga mfwamaso. Ubwelu bukugoga amaso, pamo lumo lukunāngisya akayila.

⁸⁸ Injuni innini, une nalyāgīle, ku Kifwani kya Bwābūke. Yaga nsisimikisya ukukēta ikyo, Nkundwe Thoms, akabalilo kāko ugwe kubuka kula, uketile. Isyēne sikutika amabōngo gābo pānja, ukwipūla kula. Kangi une ndinkuti, “Ngimba kitamīsyē fiki?”

⁸⁹ Alinkuti, “Mbuyo bwa kukōngésya ubwēlu, mu mbelo, ku buponesígwe, isyēne syāgelīle ukutīka ubwēlu mōsa. Isyēne sikwīgōga syēne.”

⁹⁰ Ikyo kyēne ikīndu iki kikuboneka akabalilo kāko ugwe kwīpūla ukulwāna nu Bwēlu, ugwe kwīgōga gwīmwēne, mwāmbépo. Itolo enda mu Bwēlu bo Umwēne ali mu Bwēlu, polelo uswe twisakuyaga nu bulilanisi yumo nu nnīne, ifipānga fyōsa fisakwītika nukukīndilila nukwikyēla isayo sya Kyāla. Ngimba ikyo kitisakuyaga kinunu?

⁹¹ Kēta ku nkīkūlu gwa kiSamaria akabalilo kāko umwēne ikwīsa. Umwēne āli gwa kiSamaria, lilino (komma u n’Juda), u m’Samaria. Kangi Umwene alinkuti, “Ndwalila Une a gakunwa.” Kangi ukwangala kwākīndilile.

Iki kyo kya bahēsya lilino.

⁹² Kangi ukwangala kwākīndilile. Lilino, umwēne akālimmenye Umwēne ukuya Mesiya nakamo. Umwēne ali itolo u—u Nnyambala, un’Juda. Muketile mūmo umwēne āyobile pakwānda? Umwēnw āyobīle, “Fiki, ulwene lo lukaya lwiho ukuti ugwe uyobege m’Juda ukuyoba ku nkikulu u n’Samaria bo ulu.” Umwene alinkuti, “Uswe tukaya nabo ububombelambombo yumo nu nnine.”

⁹³ Umwēne alinkuti, “Lōli linga ugwe gwāmenye Uyu ugwe kuyoba nagwe, ugwe āngāli kunsuma Une agakunwa. Kangi une āngāli ngukutwālila ugwe, ukupa ugwe amīsi, ugwe utikwīsa kuno ukunega.”

⁹⁴ Fiki, umwene alinkuyoba, “Lilino itolo gūlila panandi.” Umwēne alinkuti, “Uswe tukwīpūta nkyāmba iki, kangi—kangi umwe baJuda mukwīpūta ku Yerusalem.”

⁹⁵ Yeso alinkuti, “Loli isala yikwisa akabalilo kâko—akabalilo kâko umwe mutisakwîpûta ku Yerusalemu pamo ikyâmba iki, lôli mwa Mbépo. Namanga Kyâla yo Mbepo, kangî abêne aba bikwîmwîputa Umwêne bikufîmbilisigwa ukummwîpûta Umwêne mwa Mbépo kangî Mbwanalóli.” Muketile? Ena, Umwêne alinkukîndilîla, ikubõmba ubwângalo mpaka Umwêne alinkusyâgánia kûko ulutamio lwâke lwâlî. Fiki, ugwe umenye kûko ulutamyo lwake lwali? Ngimba alipo yumo uyu amenye iki kyâtámîsyé nu nkikulu yula pa kisiba? Umwene âli na balume fingi, bule umwêne? Popâpo Umwene alinkuti, “Buka kammwege undumego kangî isaga apa.”

Umwene alinkuti, “Une nganun’dume aligwêsa.”

⁹⁶ Alinkuti, “Uko ko kotalusya. Ugwe uli nabo bahano, kangî uyu ugwe kwîtûgála nagwe lilino akaya gwâko mma.”

⁹⁷ Umwêne alinkuti, “Nkulumba!” Lilino nkêtêsyá umwêne. “Nkulumba, une mmenye ukuti Ugwe gwe Nsololi.”

Linga ugwe kubala ububale bwamumbafu ukugomokelamo, ugwe kwisakusyâgánia. “Nkulumba,” mu nyiho syabo, “Ugwe gwe, une ngusyâgania, ukuti Ugwe gwe Nsololi *yula*.” Kumbukilága, mu i Bângéli, iyêne likûmilîsya ukuyoba, “Unsololi Yula, ngimba Ugwe ‘u Nsololi yula?’” Ngimba âli Nsolóli nki? Yula Uyu Mõse âyobîle isakufyûkága mmwanya.

“Une ngusyâgánia ukuti Ugwe gwe Nsololi. Lilino, uswe tumanyisigwe, kangî uswe tumenye akabalilo kâko u Mesiya ikwîsa, Umwêne isakubõmba ifîndu ifi.” Ikyo kyaali kimanyilo kya Mesiya. Ngimba isyene syabwanaloli? Ukuti ulutamyo lwake lwali lo luliku. Alinkuti, “Uswe tuménye akabalilo kâko Mesiya ikwîsa, Umwêne isakutubûla uswe ifîndu ifi. Lôli Ugwe gwe Ywani ngimba?”

Umwene alinkuti, “Une ne Yuyo, uyu ikuyoba nanugwe.”

⁹⁸ Umwêne alinkuleka indeko yâke iya mîsi, umwêne alinkubõpéla nkaya, une ngwinogonela, itolo ikukoleléla indûmbûla yâke, nukuyoba, akolîle amaboko gâke pa kipâmbaga kyâke itolo ikunyelanyela, ikuyoba, “Isaga, keta u Nnyâmbála Yûyo âlimbûlile une ifîndu ifi une nâbõmbile. Ngimba uyu akaya Mesiya yulayula uyu? Ngimba uyu akaya Yûyo i Bângéli lyâyobîle ukuti ikwîsága? Ikyêne yo nJuda itûgésya panja pala, itolo u Nnyâmbála ugwabwîla, ikuboneka bo yu mpala matapwa. Lôli Umwêne âlimbûlile une ukuti une nâli na balume bahano, kangî umwe mwêsa mumenye ukuti ikyo kyo bwânalóli. Uyu abagile ukuya yo Mesiya yula.” Ngimba ikyo ko kotalusya?

⁹⁹ Lilino, Yeso alinkuti, “Nkabalilo kanini, nkafwasi kanini ka kabalilo, ikîsu kitisakumbona Une kangî mma. Palema, umwe mwisakumbonaga Une, kabuno Une ngwisakuyaga na umwe, mope nkati mmyinu. Kangî imbombo isi Une ngubomba mwisakubombaga umwe nanumwe. Kope ukukînda ifi une

mbõmbile apa, mwisakubõmba umwe, namanga une ngubũka kwa Tãta, ngugomokelaga mu bubũmbe bwa Mbépo.”

Ilikemo lihõmbígwe. U Luyũngu Lwabunyafyãle lwãfwile; u Luyũngu Lwabunyafyãle lwãsyũkile kãngi. Lilino u Kipãnga kikwĩma kyimikígwe, ukwisila mu kwĩtika ikyo, kãngi u Luyũngu Lwabunyafyãle lubagile ukwĩsa nkati mwa bãndu aba kãngi nubatëndéka abène ukuya bĩngila-kilingo palikimo, banabalumiana na banabalĩndwãna ba Kyãla.

¹⁰⁰ Lilino, kwa umwe mwesa mwe bãngi panja apo, aba bakaya mu lukindi lwa lwĩputo, une nãlimbũlile umwène ukupa itolo amakãdi ku bãndu aba...akabalilo kãko une nãlimbũlikile umwène ulubũnjua ulu. Umwène álingõlile une, alinkuti, “Ugwe kulonda ukubũka kula nukuyabania amakãdi gamo, tãta?”

¹⁰¹ Une ndinkuti, “Linga balipo bu bwĩngi bwa bãndu kalongo aba bikufuma ku kipãnga iki.”

¹⁰² Lilino, utubalilo tumo nkipãnga iki une ngubilikila nukupa amakãdi galwĩpũto gala. Ugwe kugomokela, kuyoba, “Mulimõsa, umwène ábaménye abène. Abène bãli ba kufumila ku kipãnga kila. Umwène áménye akayĩlo kãbo. Nalõli.”

¹⁰³ Polelo une ngusãnusya ukusyũmbutũsya, une nguti, “Itolo bala aba bakaya ba pakipãnga iki, isaga. Umma ndaga. Umwe mwe mukaya ba pakipãnga iki, umwe mwe bãbo aba bikwĩngilãga mu lukindi lwa lwĩpũto.”

¹⁰⁴ “O, uswe tukãbaménye abène,” balinkuyoba abapakipãnga. “Uswe tukamanya ukuti ulutamio lwãbo lo fiki. Umwène ábagile ukuti ásyõbãga isya ikyène.” Muketile?

¹⁰⁵ Polelo une nguyoba, “Nayumo angĩsãga. Unko u Mbepo Mwĩkemo itolo asalege bala aba bali nkati muno aba bakaya ba pakipãnga iki, itolo bitũgesye pãnja pala.” Pope, ugwe itolo . . .

¹⁰⁶ Yikayapo ni njila napanandi, iya kuntwãlila umũndu kwa Kyãla, pene pãpo umwène yo nsũngulígwa-ngãni ukuya mwanundumiana gwa Kyãla. Yikayapo injila nayimo iyakubombela ikyène. Yeso áyobile, “Nayumo umũndu abagile ukwĩsa kwa Une pene pãpo Tata Gwangu ikunkwaba umwene.” Kãngi ikyo kyo Bwanaloli. Kilikyosa Umwene ábombile, kyãlipo ikindukimo iki kyali kikindáne. “Linga Umwène ábõmbile ikyène mu njila *iyi*, ikyène kyabagile ukuya mu njila *iyi*. Kãngi injila *iyi*, ikyène kyabagile ukuya kãngi injila *yila*.” Muketile, ikyène kyo itolo kisitakwĩtika. Lõli amahala bo bwĩtikisígwe na bãna bãke. Popãpo, ugwe, ugwe uketile.

¹⁰⁷ Lilino apa, une ngugela ukuyoba ku—ku kilũndilo kya bãndu, iki, ukuti Yeso Kristi áli Luyungu Lwabunyafyãle lula. Ikyène kikaya uswe mma; ikyène yo Mwène. Uswe twe itolo bĩngila-kilingo ba kila, lõli ifĩndu fyõsa fyo fyĩtu. Ngimba bule linga ugwe gwãlimile pala ilisiku lila akabalilo kãko

Simoni ukwisa? Kangi, umwe, nayumo. . . Ikindu iki kyo kĩndu kyākwānda iki Umwene ābombilēmo siku.

¹⁰⁸ Lilino, ikyo kisakuyaga kindu kyākwanda kuli a bāndu aba, linga Umwene ikubōmba ikyēne. Abēne bakakibonāmo ikylene siku.

¹⁰⁹ Lōli akabalilo kāko Simoni ikwīsa pala, undobanswi gwaiyolo, kisita bumanyili bwakufwāna ukungw'ala ingamu yāke ku kayabo ka kalatasi. I Bāngéli lyāyobile umwēne āli “nsitakumanya kangi nsitakumanyila.” *Kangi* yo mulūngisania. Fyosa-fibili “nsitakumanya kangi nsitakumanyila.” Kangi polelo akabalilo kako Umwene alinkwīsa pala, mu kimanyilo, ubugute. . . Yeso, Yeso alinkuti, “Ingamu yako yūwe Simoni.” Ngimba ugwe kwīnogona ukuti umwēne inogonaga fiki? Ngimba ugwe āngali gwīnogwīne fiki linga ugwe gwabagile ukuti gwālimile pala? “Kangi i ngamu ya gūso yo Yonasi. Kangi ukufuma apa ugwe kwisakubilikigwāga Peteri.” Ngimba fiki—ngimba fiki āngali ugwe gwīnogwīne? Ngimba u Nnyāmbāla uyu ābala ilinōgōno lyāke? Mulimōsa, ngimba fyo fiki āngali ugwe gwīnogwīne? Ngimba āngali ugwe gwīnogwīne kila kyāli kimanyilo kya Mesiya?

¹¹⁰ Linga ikyo ikyo kimanyilo kya Mesiya mu ngulilo yimoyene, ikyēne kikufimbilisigwa ukuya kimanyilo kya Mesiya, ingulilo yākibili, ingulilo yākitatu, ingulilo yākina. Ingulilo yiliyōsa yikufimbilisigwa ukuya lulalula, 'nongwa yakuti Kyāla akabagila ukwānduka. Kangi balinga bamenye u Mesiya āli Kyāla? Nālōli. Umwēne āli Umpakigwe. Nālōli. Popāpo Umwēne akabagila ukwānduka. Umwēne ikufimbilisigwa ukuya lulalula.

¹¹¹ Fyōbēne Umwēne alinkufimbilisigwa ukubikīla ubukēti ikindu kilakila ku baSamaria ubu umwēne ābōmbile ku baJuda. Panongwa yakuti, ifikolo fitatu fya bāndu fyo Hamu, Shemu, na bāndu ba Yafeti; n'Juda, Gwāpānja, kangi n'Samaria.

¹¹² Lilino, umwe mukētésya u Mbepo Mwīkémó? Balinga bamenye Peteri āli ni fungulilo ku Kitāngalala? Ngimba umwe mwākētésisye? Umwēne āligwile ikyēne pa Lisiku lya Pentekosti, ku baJuda. Filipu alinkusuluka pāsi nukwakulūmbilila ku baSamaria, kangi nukubōsya abēne mu Ngamu ya Yeso Kristi, lōli u Mbepo Mwīkémó ākāli akalīsile pa bēne tāsi. Abēne balinkufimbilisigwe ukutuma nukwakummwēga Peteri, uyu alinkubīka amaboko pa bēne kangi abēne balinkwāmbilila u Mbepo Mwīkémó. Uko kotalusya? Kangi inyuma ya Koroneli, ba—Bāpānja balinkumwāmbilila Umwēne. Kila kyāli kyōsa kya ikyēne. Ukufuma pala ukubūka nkyēne, umwēne yo itolo mwīgūke ku bōsa lilino. Popāpa mwākēta lelo umwe, muketile, Umwēne āfimbilisigwe ukwīgūla ikyēne. Kyāla ali ni njila ya kubombēla ifindu.

¹¹³ Lilino, ulubunju ulu, linga Uyu Yūyo apele u Lufingo ku Luyūngu, kangi linga uluyungu lwītūgēsye apa . . . Une ngulōnda ukwitika aligwēsa gwa umwe muli. Linga u Luyūngu lwītūgēsya apa, nalolilōli u Luyūngu lwisakukēta u Lufingo. Lilino, aligwēsa gwa bāndu aba bīmīle apa bafyūsīsye amaboko gābo mmwanya, abēne bakayamo nukuyamo mu ngomano nasiku. Abene bahesya kwa une. Une ngammanya nayumo gwa bēne. Abēne itolo bīsīla muno. Kangi mu maminiti manini pītasi, Billy abapele abēne ilikādi lyalwīpūto, kangī apa abēne bīmīle apa. Balipo mwe bīngi ba umwe panja pala, mufyūsīsya ifiboko fyīnu, ukuti umwe mukāli nago amakādi ga lwīpūto, kangī umwe mwāli kāngi bahēsya apa. Ikyo kikaya nako kalikōsa akākubōmba ni kyēne. Umwe itolo itika ukuti umwe mwe bīngīla-kilingo ba lufingo lula. Umwe itolo itika ukuti ukwisila mu fulalo Syāke umwe mwabumbulusīgwe. Kangi itika ikyo ni ndūmbūla yīnu yosa, kangī nkētēsya Umwēne.

¹¹⁴ Ikīndu kyēne iki ikikūngīlwa iki kili, ko itolo kwīyīpa gwīmwēne ku Mwēne. Une ndikuyoba nakimo; Umwēne ikubōmba ubuyobi. Kangi linga Umwēne yo Mbepo Gwāke, u nsololi bwīla āli na ISI SYO IKUTI UNTWA. Ikyene bwila kyāli kitalusyi. Kangi komma ukulālusya i Kimanyisyo, 'nongwa yakuti ikyēne kikufīmbilisīgwa ukugoloka ni Bāngēli, linga ikyēne yo Kyāla. Kyāla akabagīla ukuyoba ikindukimo, kangī polelo nukugomokela pa kyēne nukuniōngāsya ikyēne ukusyūngutīla. Ikyēne kikufīmbilisīgwa ukuya kīndu kilakila akabalilo kōsa.

¹¹⁵ Lilino, umwe pānja apo, umwe itika. Na fyosa ifi fili mwa umwe, umwe itika. Lilino komma ukwendendeka ukusyūngutīla kangī mma. Itugasya itolo nalōlilōli kimyemye lilino, aligwesa.

Itolo nubōlōlo kangī nubwakimyemye mūmo umwe mubagīle.

Ikyēne kikuboneka ukuya, ulubūnju, ukuti umūndu gwākwānda imīle apa yo nnyāmbāla. Lilino uswe tukuyaga pakwega i Lisimbo ili.

¹¹⁶ Lilino ngimba umwe mukukēta pāpo une ngwīmapo? Baling babagīle ukupilikisya ikyo? Apa balipo abanyāmbāla na bakīkūlu bimīle apa, aba une ngabīkapo siku amaso, mbūmi bwāngu. Abēne bakīsāmo siku ndukomano, kangī umwe mukukēta kūko abēne bimīle. Abēne bakamanya iki kisakuboneka. Une ngamanya iki kisakuboneka. Lōli Kyāla āfīngīle ikyēne. Abraham akāmēnye iki kyāyaga pakuboneka akabalilo kāko umwēne ālyēgīle ummage panja ukungōga Isāki, lōli Kyāla āfīngīle ku mwēne. Ikyo kyo kikumasya ikyēne. Umwēne ālimmwāmbilīle umwēne ngati yumo ukufuma ku bafwe, amēnye Umwēne ābagīle ukusyūsya umwēne ukufuma ku bafwe. Ngimba ikyo kitalusye? Polelo ikyo kikumasya isyene.

¹¹⁷ Lilino, apa ikwîma u nnyãmbála kifuka na une, une ngambonámo siku umwêne, ngamaya nakimo isya umwêne. Uswe tuli bahêsya yumo ku nnîne. Uswe tukamanyana yumo nu yûngi. Kyála aménye isya babili uswe.

Lilino, ukwisila mu kikûngilwa Kyãbwakyála, linga une mbagile itolo ukwisila nkipêgigwe. . . Lilino, ifikûngilwa fila fipápigwe mwa ugwe. Kyála ásûngulile-ngáni bo lukáligwa ulwálo lwa kîsu. Balinga bamenye ikyo? Popápo ikyêne kikâbagile ukuya kalikôsa une nâli nako, ukwêga ikikûngilwa. Kyála itolo ásalíle ikyo. Une ngasalilêmo siku ikyo. Umwêne ásalíle ikyo. Muketile? Ngati abasololi ba mu Lwítikáno Ulukûlu, na bându abakîndáne, abêne básûnguligwe ukubômba ikyêne, ukubômba iki.

¹¹⁸ Lilino, linga u nnyãmbála uyu mbine, une ngâbagile ukumbulúsyá umwêne. Linga u nnyãmbála uyu ali mu kufûmbwa, ikyêne kikwêgelága pa iki umwêne âfûmbilwe kali une mbagile ukuntula umwêne pamo mma. Lumo kibagile ukuya, linga ikyêne kyáli kindukîmo ikîngi ngati umwêne. . . akânini akandukamo une nabagile ukuntula umwêne, fiki, une nguyaga nsangalufu ukubômba ikyêne. Lumo umwêne ali nu bugâsi. Lumo umwêne akaya nukuya nKristi. Lumo umwêne yo nKristi. Lumo umwêne yo nsyôbi. Une ngamanya. Bule linga umwêne yo butike bwâkwîbilila, yumo uyo atêndelile muno, nukwîsa apa na itolo ukwîpela mwêne môsa ngati kindukîmo? Kêtésya iki kikuboneka, muketile, itolo—itolô kêta iki kibonekága pa buyo. Une ngamanya.

¹¹⁹ Lôli, muketile, ugwe ima apa, polelo ugwe ubagile ukwîma nubupelelesye, umenye ukuti Kyála átêndike u lufîngo, Kyála ikukyûnga u lufîngo Lwâke. Muketile? Lilino, linga Kyála ikwîma nu lufîngo Lwâke, papapa apa lilino, ku bându aba; balinga pânja pala bisakwitûgasyága pânja pala, kangî ni ndûmbula yáko yôsa ugwe kuyaga pakwítika ikyêne? Yôsa indumbula yáko, ugwe kuyaga pakwítika? Polelo ugwe itolo itika une.

¹²⁰ Lilino unko uswe tukête. Unko uswe twege i Lisimbo. Lilino, Simoni Peteri uyu álisile ku Ntwa Yeso. Kangi pa kufika ku Ntwa Yeso, u Ntwa Yeso alinkumbûla umwêne uyu umwême âli, kangî—kangî alinkumbûla umwêne ifîndu fya mbûmi bwâke. Mulimôsa, u Yeso yulayula mûmi umwîsyúgu. Umwene. . . Ngimba umwe mukwitika ukuti Umwene ásyûkile ukufuma ku bafwe? Ngimba ugwe kwítika Mbepo Gwabumesiya yula mûmi mulamula mu Kipânga, umwîsyúgu, itolo mulamula mûmo Ikyêne kyabômbile bwîla? Umma ndaga.

¹²¹ Lilino, umwe nkilûndílo, mwe mukaya nalyo ilikâdi lya lwîpúto, umwe kêta injila iyi nukuyoba, “Ntwa!” Ena nalôli, gakayapo amakâdi ga lwîpúto nkilûndílo, une ndinabo abêne bôsa ukwîma apa. Umwe nkilûndílo yoba, “Ntwa, Ugwe

mpalamasya une.” Syāgánia iki kikuboneka. Syāgánia iki kikuboneka...?...

¹²² Lilino, nkulumba, linga yilipo injila nkisu iya kukutũlila ugwe, une nābagile ukubōmba ikyēne. Muketile, une ne itolo, uswe tuli itolo bahesya, kangi une—une nāgéne na ugwe ku kabalilo kāngu kākwānda. Lōli une ngumelelígwa, ukuya mbombeli, ukuyoba u Bwānalóli kangi ukuya nketi gwa Yeso Kristi. Kangi, lilino, une ndikulōnda ugwe ukumbula une kalikōsa. Une ngulonda itolo ugwe ukunyāmúla une kali ikyēne kyo bwānalóli pamo mma, kangi polelo unko Umwene abōmbe ikyēne. Kangi linga Umwene isakubombaga imbombo mu njila yilayila apa pa kigemo, ukwīsila mu mbili ugu, ugu Umwene abombile ukwisila mu mbili gwa Yeso!

Uyo yo Kyāla. Yeso āyobile, “Une ndikubōmba nakimo mpaka u Tāta, uyu aali mwa Une, ikunāngisya Une. Umwēne ikumbūla Une ikyakubōmba.” Polelo ikyēne akāli Yeso uyu ālimbūlile unkikulu yula. Ikyēne āli Tāta, mwa Mwene, ālimbulile unkikulu yula. Ikyēne āli—akāli Yeso uyu āménye uyu Simoni Peteri āli, ikyēne āli Tāta uyu ālitūgésye mwa Mwēne, āménye uyu Simoni Peteri āli. Ikyo kyo ikyēne. Muketile? Ikyo kyo ikyēne.

¹²³ Une mbagile ukukubūla ugwe, lilino, ugwe uli nKristi, ena, nkulumba, panongwa yakuti ugwe uli nu—nu—nu mbepo ugwakwāmbilila ugwakuyiga nubilūngūle. Kangi, umwene, yo mwitiki. Umwene yo Nkristi. Kangi ugwe kukubilwa panongwa ya kayilo ka ndepa iki kikukupu ugwe ulutamio lwa mūnda. Ngimba uko kutalusya? [Nkundwe ikuyoba, “Uko ko kutalusya.”—Nsimbi.] Muketile? Muketile? Lilino, isyo syo katikati. Ngimba kyabōmbile bulebule ikyo? Ngimba une mbōmbile bulebule ikyo? Bulebule nkisu nābagile une ukumanyāmo siku ikyo? Uswe tukabonanāmo yumo nu nnine siku. Isyo syo bwanaloli. Bule ikylene? [“Isyo bwanaloli.”] Lumo Umwēne ikukubulaga ugwe ikindukimo ikīngi ikya gwimwene. Une ngukubulaga ugwe. Apa kilipo ikindukimo. Une nguketa unkikulu yumo kifuka na ugwe. Umwene ali na ugwe. Ikyene kyo nkasigo. Umwēne yo yōpe ikufūmbwa ubutūli, yōpe. Ena, nkulumba. Ugwe kwitika Kyāla abagile ukumbula une apa iki kitamisye nu nkasigo? [“Une mmenye Umwene abagile.”] Umma ndaga, nkulumba. Umwēne ali nu lutamio lwa ndūmbūla, ubutulwe. Uko ko kutalusya. Bule ikyēne? Gwālūtēnde, yōpe. Ena, nkulumba. Lilino, ugwe ukaya gwa nkaya aka. Ugwe kubūka ukugomokéla injila *iyi* akabalilo kāko ugwe kubūka kukāya, ukubūka ku Cincinnati. Uko ko kutalusya. Ugwe kufumila ku Cincinnati, Ohio. Ingamu yāko gwe Milliken. Gomokelāga, būkāga ukugomokéla ku kāya, yaga kanunu. U Ntwa akusaye ugwe kangi ugwe kwisakubūmbulusigwāga, ugwe nu nkasigo. Kyāla akusaye ugwe.

Isaga, nkulumba. Ugwe kwitika? Lilino yaga itolo nu lwitiko. Komma ukwilamwa.

¹²⁴ Lilino yaga nalōli baluyīndíko. Aligwēsa lilino itolo yaga nalōli baluyīndiko, yaga kimyemye. Muketile, u Mbepo Mwikemo yo gwāsoni fiyo. Ngimba balinga bamenye ikyo? Itolo nalōli gwāsoni, Mbepo Mwikémo, muketile, itolo kalikōsa akafuluganiko kakuntwamia Umwēne.

¹²⁵ Ukufwāna ba bagānga, ugwe ubagīle ukufwa lululu ulu, nu lutamio lya ndūmbūla. Uko ko kotalusya. Ugwe gwīsile kuno ukufuma ku Chicago, Tata. Mosley. Ingamu yāko yo Theodore. Ugwe kwitika Kyala? [Nkundwe ikuyoba, “Ena.”—Nsimbi.] Polelo bukaga ku kāya nukuya nu būmi, mu Ngamu ya Yeso Kristi, kangī kayege kanunu. Kyala akusaye ugwe.

¹²⁶ Ugwe kwitika Kyala? [Kalumbu, “Naloli ngubōmba. Ena, nkulumba.”—Nsimbi.] Ugwe kukubilwa na kayīlo nkilūndi kyāko. Ugwe ufumile pānja pa kāya, nūgwe. Ugwe ufumile ku Owensboro, Kentucky. Ingamu yako yo Nka. Lamb. Gomokelaga ku kaya kayege kanunu.

¹²⁷ Unkīkūlu itūgēsye palapala pala, yōpe ukufuma ku Owensboro. Uli ni lyūlu pa libele lyāko apa. Lyābagīle ukupānjīgwa, kilabo. Būka, itika, kangī yaga mūmi.

¹²⁸ Ngimba ugwe kwitika, nkulumba? [Nkundwe ikuyoba, “Ena, une ngubōmba.”—Nsimbi.] Uswe tuli bahēsya kwa yumo nunnīne. Ingamu yāko gwa Tāta. Gilmore. Uko ko kotalusya. Ugwe kufuma ku Anderson, Indiana, kūko ikibugutila ikikulumba ikya Church of God kili. Uko ko kotalusya. Ugwe gwīmīle apa panongwa ya mbungo ya sinda ya mwanundīndwāna gwāko. Umwēne asilīlike mwasinda. Ngimba ugwe kwītīka? Polelo būkāga ku kāya kangī kammwāgege umwēne mūmo ugwe kwitikila. Umma ndaga. Kyāla akusaye ugwe. Yaga nu lwitiko. Itika.

¹²⁹ Ugwe kwitika ni ndumbula yako yosa, nkulumba? [Nkundwe ikuyoba, “Ena, nkulumba.”—Nsimbi.] Ugwe kufuma ku Indianapolis. Ugwe gwe mbombeli gwa Nongwainunu. Uyo yo nkasi gwāko. Uu-huu. Umwēne ikukubilwa yōpe. Umwēne ali nu lutamio lwa pammilo nkati mu mmilo. U ngānga. . . Ali nu lutamio lwa ndūmbūla; gwalutēnde panini. Une ngukēta umwēne yo gwamapuli mu mbulukutu yāke. Fiki. . . Isaga kuno.

Ugwe gwe mbepo ya mapuli, mu Ngamu ya Yeso Kristi, une ngukukāga ugwe ukwisila mwa Kyāla gwābūmi, sōkāga pānja pa nkīkūlu.

Lilino ugwe ubagīle ukumbilika une kanunu lōsa lilino. Umwe mwesa-babili mubagīle ukubūka ku kāya nukuya kanunu. Kindililāga ukugomokela ku kāya. Ugwe kumbilika une, ugwe uli kanunu. Ugwe kwisakuyaga kanunu.

130 Ugwe kwitika ni ndumbula yako yosa? Yaga itolo nu lwitiko mwa Kyala. Itikaga.

131 Ukūma kwa fifupa kula ni findu kyo kīndu ikibibi nubutiliye. Ugwe kwitika Kyāla isakubūmbulusyāga ugwe? Polelo enda itolo palapala pāsi ukukīnda pala. Būka kukāya, kutūfya i Ngamu Yāke, kuyoba, “Ndaga Ugwe, mpala Ntwa Yeso.”

Nongwa une nakikolile kila nakalinga fiyo, unkikulu uyu ali ni kīndu kilakila, ukūma kya fifupa.

Ugwe kwitika ukuti Kyāla ikukupelaga ugwe uyege kanunu? [Nkundwe ikuyoba, “Ena.”—Nsimbi.] Fyosa filikanunu, nkulumba. Polelo itolo enda pasi ukukinda pala, kangi yoba, “Ndaga Ugwe, Ntwa Yeso,” kangi bukaga ku kaya.

132 Umma ndaga, kalumbu, sanuka itolo kangi gomokela kangi itika. Ugwe gūmile mmfifūndo fyāko, pa apa, kangi indamio ya ndūmbūla yāko, na fyōsa bo ifyo. Itolo syūmbutuka kangi gomokelaga ku nyumba, yobaga, “Ndaga Ugwe, Ntwa Yeso,” kangi yaga kanunu. Itikaga na kyosa iki kili mwa ugwe.

133 Umwe mukwitika? Bule pānja pala, bamo mwa umwe, umwe mukwitika?

134 Nkikulu unnini itūgēsya pala, gwānywili-nditu, ali ni figili, ugwe kwitika ukuti Kyāla isakukutēndekāga ugwe uyēge kanunu? Ugwe ubagile ukummwitikisya? Umma ndaga. Linga ugwe kuyaga, Umwene ikubombaga ikyene.

135 Apa itugesye undumbilili, itugesye apa, ikulonda ulwēndo lwakifuki na Kyala. Ngimba ugwe ukaya, nkulumba? Ugwe kwitika Kyāla ikukubōmbelāga ugwe? Fyusya ikiboko kyako nu kuyoba, “Une ngwitikisya ikyene.” A-ha.

136 Unkikulu uyu itugesye apa, āsopile ikiboko kyāke pasi. Umwēne ali nu lutamyō lwamwambepo ulu umwēne ikwinogonela. Uko ko kotalusya.

137 Apa alipo unkikulu unnini apa, nswīga linga umwēne ikuyaga pakuya nu mwāna gwāke. Uko ko kotalusya. Ugwe gwīsilēmo nu lumō lwa ngomano syāngu. Une nakufingile ugwe, ukwisila mwa Kyāla, u mwāna. Bule une? Umma ndaga. Polelo būka ku kāya nukuya bayo umwēne. Komma ukupāsya isya ikyēne kangi mma.

138 Ngimba umwe mukwitika ni ndumbula yīnu yōsa, mwēsa ba umwe? Aligwesa gwa umwe mukwitika? U Luyungu lwa Abraham lwīsakupōka ikipāta, ikipata kya ndugu. Ngimba umwe mwe Luyungu lwa Abraham, ukwisila mwa Yeso Kristi? Fyusya amaboko ginu linga umwe muli.

Polelo bika amaboko ginu pa mpalamani gwako, yumo pa nnine. Bika amaboko ginu pa yumo nu nnine. Poka ikipata lilino. Ikyēne kyo kyāko. Ikyēne kyo kyāko ugwe. “Ulwīpūto lwa lwitiko lwīsakupoka ababine. Kyāla isakubasumusya abēne

mmwanya.” Umma ndaga, ipūta mu njila yīnu mwībēne. Ipūtu mūmo umwe mukubōmbéla ku kipānga kyīnu. Ipūtila abānda aba bali na ugwe lilino. Bika amaboko gāko pa yumo nu yūngi kani ipūta.

¹³⁹ Ntwa Yeso, uswe tukwīsa mu yila ingulumba, Ngamu Yamakagosa ya Luyūngu Lwabunyafyāle, u Luyūngu lwa Abraham, Yūyo ālimfīngīle umwēne pa kyāmba kūko Ugwe gwalimpéle u kang’osi; nukubīka u kang’osi mmatēngéle, ikīndu kyambutītu, lululula Ugwe gwābōmbīle bala abalukoti, mmayolo.

Une ngusuma, O Ntwa Kyala, ukuti Ugwe kutumaga a maka, nu lwitiko. Kangi unko u Luyungu lulilosa. . . Une mmenye abene bisakubōmba, Ntwa, panongwa yakuti Ugwe gwayobile, “U Luyungu lwa Abraham.” Kangi linga bālipo bāmo apa aba bāsūngāga ukuya Luyūngu, kangī bakaya Luyūngu, baswaga abēne panongwa ya kulōnda apa, pamo ukusūnga. Kangi Mbepo Mwīkémó ali itolo lilino bīkāga imyōyo gyābo pa moto nu lwītīko lwa būmi. Unko u Mbepo Mwīkémó aliyigāga nkati mu ndūmbūla yiliyōsa nukubūmbulusya aligwēsa apa. Abēne bali na maboko gābo pa yumo nu yūngi.

U Luyungu Lwabunyafyāle, “Ifika ifi fisakukongaga abene aba bikwitika. Linga abene bikubika amaboko pa babine, abene bisakubumbulukaga.” Kangi u Yuyo Yyu ātendike ulufīngo ulu alipo lululu ulu, ikwibonesya Mwēne ukuti Umwēne ali apa. Pala lulupo u Luyūngu na maboko gābo pa yumo nu nnine. “Ifimanyilo ifi fisakukōnga abēne aba bikwītīka.” Mbepo Mwīkémó aliyigaga ukwisila kilikyōsa kwa fiboko fyābo, ukwīngila mu ndūmbūla sya bāndu, ukwīngīla mmibili gyābo, kangī būmbulusya aligwēsa uyu ali mu Buyepo Bwakyala. Tupaga icyene, Ntwa.

Une ngukemela u mōhési. Une ngukemela ubusitakwītīka bōsa. Une ngukemela imbepo inyali yiliyōsa. Une ngukemela ugwasūnga aligwēsa. Une ngukemela kilikyōsa iki kikukīndāna ku Lisyu lya Kyāla. Kangi mwitikisya u Mbepo Mwīkémó ukwega ubuyo Bwake mu ndumbula ya bandu, lululu lilino, ukwisila mu lwītīko. Uubine bulibōsa ni mbungo yiliyosa, ubōnywa bulibōsa buli sōkāngāmo mbāndu, mu Ngamu ya Yeso Kristi. Ameni.

¹⁴⁰ Lilino, Luyūngu lwa Abraham, umwe mwe bwa luyūngu lwabunyafyāle, umwe mwe ba lufīngo, ukwisila mu ipyāna nu butuli bwa Kyāla, balinga ba umwe mubagīle ukufyūsya ikiboko kyīnu, nukuyoba, “Une nāmbilile iki une nsumile”? Ndaga umwe. Apo po loli. Ulo lo iki ulufīngo luliko. Ulo lo fyobēne u lufīngo lupēgīgwe, ukuti umwe mubagīle ukuya bingilakilingo kya fīndu fyōsa, ukwisila mwa Yeso Kristi Yūyo abapokile umwe. Umwēne ābapokile umwe ukufuma ku butulwanongwa. Umwēne ābapokile umwe ukufuma ku

bubine. Umwēne ābapokile umwe ukufuma ku bufwe. Umwēne abapokile umwe ukufuma ku gehena. Umwēne ābapokile umwe ukufuma ku lipūmba.

¹⁴¹ Umwe mukuti, “Nkundwe Branham, lōli uswe twēsa tukubūka mu lipūmba.” Lōli ilipūmba likabagile ukukoleléla uswe. Umwēne ābūkile ku lyēne, lōli ilyēne lilinkutoligwa ukukoleléla Umwēne. Nalōlilōli. Ilyēne likabagila ukunkoleléla Umwēne.

¹⁴² “Mulimōsa, Nkundwe Branham, une ne mbēfyigwe fiyo.” Umwēne apefyigwe, yōpe. Lōli Umwēne ākupokile ugwe ukufuma ku lupēfyo.

¹⁴³ “Mungatulongoelāga uswe ndupēfyo, lōli tuponesyāga uswe ukufuma ku bubibi.” Muketile, Umwēne abōmbile ikyēne. Ikyēne kyo kyōsa kyāko. Kilikyōsa kyo kyāko, ukwisila mwa Yeso Kristi. Umwēne ikupa ugwe kilikyōsa, mwaitolo. Kukayako ukuhōmba ku kyēne, napamo nakimo. Ikyēne kyo itolo kyāko lululu lilino. Ngimba umwe mukaya basangalufu panongwa ya ikyēne? Ngimba umwe mukayaga basangulufu panongwa ya Mwēne? Imbālisyo siyege kwa Kyāla.

¹⁴⁴ Lilino, sisakuyako imbombelo, iki, ikilo iki. Ena. Ikyēne kyo ikilo iki, buhano-na-bubili-na sinda ikilo iki. Une nisakundeka u ntimi ukubabūla umwe. Isaga kuno. Isaga kuno.

Lilino, pa Ndungu ugu gukwīsa ndubunju, u Ntwa unnunu itikisyēge, une ngugomokelāga ukwīputīla ababine, ku kipanga, pamo kulikōsa.



UKUPÒKA IFIPÀTA FYA NDÛGU KYA59-1108

(Possessing The Enemy's Gates)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Novembala 8, 1959, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org